

MUENDEDZI



Murena a ni fhaṭutshedze, Murathu Neville.

Ndo takala nga maanda u vhuva tshivhidzoni madekwana ano. Ipfi langa li na manzaranzara zwiṭuku. U tou vha Mulaedza mulapfu ano matsheloni, huno ngangoho ndo takala ngauri Wo vha u fhano, naho zwo ralo. Huno nne ndo diphina Ngawo, ndi tshi khou U disa, nahone ndi a fulufhela uri no diphina nga u U pfa. [Tshivhidzo tshi ri, “Amene.”—Mudz.]

² Zwino ni songo hangwa, hezwi dzulani ni tshi zwi elelwa, zwauri izwi ndi zwithu zwi fhaṭaho mulanda wa Kristo. Ni a vhona, lutendo u thoma, ha da maanda. Huno zwino elelwani, Muya Mukhethwa a u koni u khunyeledza tshifhaṭo tsha Mudzimu u swikela izwi zwithu zwi tshi shuma nga Muya. A hu londwi zwine na ita, ni a vhona. Izwo ndi zwithu zwi fhaṭaho Muvhili wa Kristo, ni a vhona, izwo zwithu. Zwino, hezwo ni songo zwi hangwa, zwauri holu *hafha ndi* lwa u thoma, ndi lutendo lwaṇu. Maanda, ndivho, na zwińwe-vho, zwi tea u engedzwa khalwo, u swikela tshiimmo tsho fhelelaho tsha Kristo tshi tshi vhonadzwa, zwenezwo Muya Mukhethwa u da khatsho huno wa tshi shatela sa Muvhili muthihi. Hezwi zwithu zwi fanela u ralo. Ngauralo, Yesu o ri, “Vha dihwa nga mutshelo wavho.” Ni a vhona, mutshelo! No vha ni si nga koni u aṇwa mutshelo ni si na hezwi zwithu u aṇwa ngomu hanu. Huno-ha musi izwi zwoṭhe zwi tshi dzhia vhuimo ha lufuno lwa shango na—na u sa ofha Mudzimu, na zwińwe-vho, zwenezwo u sa tenda hoṭhe hu a pandelwa, zwenezwo zwithu zwoṭhe zwa shango zwi a fhira, zwenezwo a hu tshe na tshithu nga nnnda ha tshivhumbwa tshiswa kha Kristo. Huno-ha Vhaefesa 4:30 i ri, “Ni songo ṭungufhadza Muya Mukhethwa wa Mudzimu, we na swaiwa ngawo u swika ḋuvha la thengululo yaṇu.” Ro shatelwa ngomu Muvhusoni wa Mudzimu! Zwino, hezwo ni songo zwi hangwa. Hezwo zwi vhulungeni muhumbuloni zwino, dzhiani *hezwi* zwithu u thoma. Zwenezwo luswayo ndi Muya Mukhethwa, Khephe ine ya ri shatela ngomu Muvhilini. Zwo luga.

³ Ri na khu—khumbelo zwino ya Khaladzi Little, wa Chicago, munna wawe o wela khomboni ya tshinamelwa huno u tsini na lufu, Khaladzi Little. Huno Edith Wright, khaladzi yashu muṭuku fhano we ra mu ḋivha lwa tshifhinga tshilapfu nga maanda, u khou vhaisala, nga maandesa, hayani hawe madekwana ano, huno vho ṭoda u ḋivhadza hezwi kha tshivhidzo uri ri kone u rabela roṭhe ri tshi itela heyi khumbelo. Huno zwino kha ri kotamise zwifhaṭuwo zwashu lwa tshikhathinya fhedzi.

⁴ Khotsi ashu wa Tađulu, a funeaho, ri kuvhangana u mona na (nga lutendo) Khuluŋoni ya Mudzimu, huno ri humbelo tshilidzi Tshikhethwa u itela khumbelo hedzi. Murathu Little, khombo ya goloi, tsini na lufu. Mudzimu, mu farise. Muya Mukhethwa nga u vhe thungo ha vhulalo hawe nahone u mu vhuisse kha rine, Murena. Huno Edith Wright muṭuku fhasi henengei, ndi a rabela, Mudzimu, zwauri Muya Mukhethwa u do vha thungo ha vhulalo hawe madekwana ano nahone wa vhuyedzedza mutakalo wawe hafhu khae. Zwi tendele, Khotsi. Iwe wo fulufhedzisa hezwi zwithu, huno ri a zwi tenda. Huno musi ro vha ri tshi khou elekanya matsheloni ano, uri vhukule a vhu ambi tshithu kha Iwe, U tou vha muhulwane kha tshipiđa tshiňwe tsha shango sa zwine Wa vha zwone kha tshiňwe, ngauri U hothe-hothe, u na maanda othe, nahone a u na magumo. Huno ri a rabela, Khotsi, zwauri U do nea idzi khumbelo nga Dzina la Yesu Kristo. Amene.

⁵ Ndo takala nga maanda u vha ngomu hafhu madekwana ano, u... Huno ndi a qivha uri hu a fhisa. Heyi ndi miṭangano miraru i tevhekanaho, huno i... Ndi a qivha uri vhaňwe vhaňu ni na maela dzi no swika madana mačanu dzine na tea u reila vhukati ha zwino na nga matsheloni. Huno u thoma mbamatshelo, ndi na gidi-daiṇa dzine nda tea u reila nga murahu ha iyo. Ngauralo, ngauralo ndi—ndi a fulufhela uri tsho vha tshifhinga tsha u diphina nga maanda kha vhoinwi nothe. Huno tsho vha tshifhinga tsha u diphina nga maanda kha nné u dala na vhoinwi. Hu na tshithu tshithihi fhedzi tshe ra tshi humbelo, vhanzhi vha tea u humiswa ngauri a hu na lufhera, ri nga si thithise dziphasedzi lwo kalulaho, muhasho wa zwidzima-mulilo u nga si zwi kondèlele hezwo. Ngauralo zwino ri khou lingedza u wana kereke khúlwanenyana, u itela musi ri ngomu, na uri ri vhe na lufhera lwa u dzula vhatu.

⁶ Huno zwino, tshifhinga tshiňwe na tshiňwe, ni a ḥanganedza tshifhinga tshothe fhano kha thaberenakele, hune ra sa vhe na ndaela nga nn̄da ha Kristo, a hu na mulayo nga nn̄da ha lufuno, a hu na bugu nga nn̄da ha Bivhili. Huno ngauralo... Huno mufunzi washu ndi Murathu Orman Neville hafha. Huno fhano ri na tshivhidzo tsha—tsha vhatu vhanzhi vhane vha kuvhangana ngomu sa thaberenakele ya muṭanganelano, hune na da ngeno nahone na luvha Mudzimu u ya nga ndaela dza luvalo lwanu. Tshifhinga tshothe ri a takala u vha na vhoinwi. Huno ngauralo ni de musi ni tshi kona, tshifhinga tshothe ri takalela u ni ḥanganedza.

⁷ Huno zwino tshifhinga tshi daho, u ya nga hune nda qivha, u vha na vhoinwi, hu do vha hone nga murahu ha u fhela ha kereke. Huno ndi ḥoda-ha, nga murahu ha *Zwikathi zwa Tshivhidzo*, heneffo ri ḥoda-ha u ya kha *Mapfundu* a sumbe a u fhedzisela, na *Mapfundu* a sumbe a u fhedzisela Buguni ya Nzumbululo, u funza Eneo.

⁸ Huno zwino ndi lunzhi hune vha lwalaho na vha t̄hupheaho vha da, huno tshifhingani tsha iyi mītangano, hune mabono a t̄odea, nahone vha ḥela nyambedzano ya tshipentshela. Arali nda dzhena kha izwo, zwenezwo a—a thi tou kona u wana phambano vhukati hazwo, nahone, hai, zwi a nkondela u amba nga murahu ha hezwo. Huno muñwe na muñwe u a divha uri kha khunguwedzo dzashu dza phodzo, Vho-Baxter kana muñwe u anzela u rera, huno nne ndi a bva uri ndi rabelele vha lwalaho, ngauri zwi tou netisanyana. Huno ndo vha ndi tshi khou rabelela vhañwe vhathu zwikhathi zwo fhiraho zwi si gathi, huno zwenezwo nda ḥangana na ḥwana muñku hafha we vhomaine . . . tshinwe tshithu muñanani wawe, o bebwa nga iñwe ndila. Ndi tshi bvela nn̄da, ndo mu vhona odzula afho ngomu ha kuñwana. Na kathihi uyo ḥwana a nga si tsha holefhalā nga u ralo, u khou yo takala. Ngango, u khou yo ralo, ni a vhona. Hezwo ndi, ndi a zwi divha. Ni a vhona, ndi tendelana nazwo. Ngauralo ri ḥodou vha na lutendo lwasu nahone ri tende kha Mudzimu.

⁹ Muñwe na muñwe wa vhoinwi, huno vhuszhi hañu ni vhatsinda kha nne, vhashumeli vhoñhe na vhañwe. Arali ndi sa khakhi, hoyu ndi Murathu Crase. Naa ndi zwone? Murathu Crase, ndi—ndi tea u ni humbelā pfarelo, nga mulandu wa u sa da hangei phañtutshedzoni heila. Khamusi ndi do ya henengei u itela muñangano wa mafheloni a vhege, zwi do di vha zwi zwavhudi-vho. Naa ndi zwone? N̄tha hangei Bloomington. No takala? Zwavhudi. Vhañwe vha avha vharathu hafha ndi vhashumeli, ndi zwi dzhia nga u ralo. Ni mushumeli? Ee, mune wanga. Murena a ni fhañtutshedze. Huno hu na vhashumeli vhangana tshifhañtoni, kha ri vhone tshanda tshañu. Zwo luga, hezwo zwi tou vha zwavhuñi. Ri takalela u vha navho fhano, ro tou takala nga maanda. Mudzimu nga a ni fhañtutshedze u ya ho ya!

¹⁰ Zwino, uri ri kone u bva nga u ḥavhanya vhukuma, vhañwe vhavho vha khou ya Georgia, Tennessee, New York, hoñthe-hoñthe, u bva madekwana ano, u thoma madekwana ano. Zwino, reilani nga vhulondi ndilani. Arali ni tshi farwa nga khofhe, ni sa todi u dzhena motheleni, reilani ni ye thungo ha ndila huno ni eñele u swikela ni . . . Heyo ndi ndila ine nda ita. Ni a vhona, itonu reila ni bve ndilani huno ni eñele. Ni songo, ni songo reila musi ni na khofhe. Zwo vhifha. Huno, elelwani, a si inwi, ndi muthu a re tsini ane na tea u mu ñhogomela. Ni a vhona? Ni divha hune na khou ya hone, a ni divhi hune a khou ya hone, ngauralo—ngauralo ni tea u mu ñhogomela uyo munna. Ngauralo, ivhani na ngoho ya uri ni dzule no ñilugisa tshifhinga tshoñhe, u zwi ñhogomela.

¹¹ Zwino, madekwana ano ndi tama u vhala tshipida tsha Luñwalo tshi no wanala Buguni ya Yohane Mukhethwa. Zwino, aya Mañwalo mañku ane ra a vhala nahone ra ya khao, ndi a u ri

nea mutheo wa zwine ra khou lingedza u amba. Huno tshifhinga tshothe, na kathihi a thi athu nga tshiñwe tshifhinga, u ya nga hune nda dzulela u elelwa, u swika hune nda da kha phuluphithi, u lingedza u sokou amba tshiñwe hu u fhungadza. Tshifhinga tshothe ndi lingedza u lindela, u sedza, u guda, u rabela, u swikela ndi tshi pfa uri ndi na tshiñwe tshine tsha do thusa vhathu. Arali ndi si pfariso, zwenezwo a hu na thothea ya uri nne ndi vhe ndo ima hafha, ni a vhona. Ndi, lingedzani u thusa! Huno zwino madekwana ano, zwi sa vhuyi zwa timatimisa, tshipida tshihulwanenyana tsha gogo lashu tsho bvela nnnda u thoma nga matsheloni ano, huno vho do tea u ya hayani, vhunzhi havho. Fhedzi, madekwana ano, ndo ni vhudza uri arali na sala ri do lingedza u vha na nyambo ine ya do dzhia miniti i no todou swika fuinañthanu nga ha tshiñwe tshine nda fulufhela uri tshi do ri thusa. Huno ri khou ya u vhea heyi kha Yohane Mukhethwa, ndima ya 16, huno kha ri thome kha ndi—ndimana ya 7 ya ndima ya 16, nahone ri vhale u swika kha ndi—ndimana ya 15.

*Khuuvha Ndi ni vhudza ngoho; Ndi u ni tonda Ndi tshi
tuwa: ngauri arali Ndi sa tuwi, Muimeleli ha nga di ha
inwi; fhedzi arali Nda tuwa, Ndi do mu rumela ha inwi.*

*Huno musi o no da, u do rovhedza shango tshivhi, na
nga ha u luga, na nga ha khatulo:*

Nga ha tshivhi, ngauri a vha ntendi;

*Nga ha u luga, ngauri Ndi ya ha Khotsi anga, huno
inwi a ni tsha do mmbona;*

*Nga ha khatulo, ngauri mukololo wa lino shango o
hañuluwa.*

*Ndi kha di vha na zwithu zwinzhi zwine nda funa u ni
vhudza, fhedzi zwino ni nga si kone u zwi hwala.*

*Naho zwo ralo musi wone, Muya wa ngoho, wo no
da, u do ni endedza kha ngoho yothe: ngauri a u nga
ambi zwi re zwa wone une; fhedzi tshiñwe na tshiñwe
tshine wa do pfa, tshenetsho u do tshi amba: huno u do
ni sumbedza zwithu zwi no do da.*

*Ngauri, u do nnea vhugala: ngauri u do tanganedza
zwi re zwanga, nahone u do ni sumbedza zwone.*

*Zwithu zwothe zwine Khotsi a vha nazwo—a vha
nazwo ndi zwanga: ngauralo Nne ndo amba, uri u do
dzhia zwi re zwanga, huno u do ni sumbedza zwone.*

¹² Zwino kha ndimana iyi ya 13. “Naho zwo ralo musi Muya wa Ngoho wo no da, U do ni endedza kha Ngoho yothe. Musi Muya wa Ngoho wo no da, U do ni endedza kha Ngoho yothe.” Ngoho ndi mini? Ipfi. “Ngauri U do amba, U nga si ambe zwi re zwa Wone une; fhedzi zwine Wa zwi pfa, U do amba. Zwine Wa zwi pfa, U do amba.” Nga mañwe maipfi, U do vha Wone u no do dzumbulula tshithu, ni a vhona. Huno ndima ya 4

ya Vhaheberu, Bivhili yo amba zwauri “Ipfi la Mudzimu li na vhuhali, na maanda u fhira banga lo ṭuṭuļwaho thungo dzothe, mu—Mutalukanyi wa mihibumbulo ya ṭhalukanyo, mbilu.” Ni a vhona, “Zwine Wa zwi pfa, U do amba, huno U do ni sumbedza zwithu zwi no do da.” Ni a vhona? Ndi mini tshi no khou yo ita izwo? Muya Mukhethwa Une wa do da Dzinani la Murena Yesu.

¹³ Huno ndi do takalela u dzhia iyi miniti i tevhelaho i si gathi uri ni dzhiele nzhele ipfi “muendedzi,” *Muendedzi*. Ni a divha, ndo no vha na tshenzhemu yo dzikaho maṭakani. Muendedzi, muňwe wa u ni sumbedza u mona hothe. Ni tea u vha na muendedzi musi ni sa divhi hune na khou ya hone. Huno ndo dowela u zwima, na u mona na shango, ndo no vha na tshi—tshifhinga tsha u ṭangana na vhaendedzi. Huno nne ndi muendedzi, nne muňe, kha la Colorado, ngauri ndi tshi divha shango, ndi tshi fuwa, na zwinwe, ndi nga endedza kha la Colorado.

¹⁴ Zwino, muendedzi u tea u divha ndila. U tea u divha hune a khou ya na zwine a khou ita, na uri u tea u ni ṭhogomela hami ndilani. Ni a vhona? U tea u vhona zwauri a ni xeli. Muendedzi ndi munna o nangiwaho. Muvhuso u nanga uyu munna arali e muendedzi. Huno, zwino, kha u fara lwendo lwa u ya sogani, hune khamusi a no ngo dowela u ya, a si zwavhuđi ni tshi ya ni si nae. Zwi khagala, fhetu hunzhi ni nga si kone u ya ni si nae, sa tsumbo, Canada. Mu—muendedzi u tea u saina laisentsi yanu ya u ya ha mulangaphukha. U tea u disainela ene muňe, huno u na vhudifhinduleli kha inwi. Arali tshiňwe tsha bvelela kha inwi, ndi vhudifhinduleli hawe. U tea u ni ṭhogomela. U tea u vhona uri a ni xeli. U tea u vha na vhuzanzi ha uri ha ni rumeli huňwe hune ni sa do divha ndila yanu ya u huma. Nahone arali na xela, u tea u divha shango zwavhuđi lune a nga kona u ni dzhia tshifhinga tshiňwe na tshiňwe. U tea u divha hezwi zwithu zweithe kana a nga si kone u vha muendedzi, a nga si kone u newa laisentsi ya u vha muendedzi.

¹⁵ U itela hezwi zwithu, nga zwinwe zwifhinga ni tea u vha na ndangano, founani u thoma huno ni ite nzudzanyo, wanani mbaledzo dza u bviselwa nn̄da. Huno arali yanu... Nga zwinwe zwifhinga o dalelwa nga zwinzhi huno a sa koni u ni dzhia, ni tea u zwi thupha lwa tshifhinganyana, zwa—zwa muendedzi wa lifhasi. Na kathihi a ni tei u ita hezwo nga Muendedzi wa Mudzimu, U dzula o dilugisa, dzula o dilugisa.

¹⁶ Zwino, arali ni sa iti uri idzi ndugiselo dzi itwe, nahone na vha hu uri ni khou dzudzanya la u fara lwendo lwa u ya sogani hune ni sa athu vhuya na vha hone, ni nga di fhedza no xela, nahone na lovha. Ni na tshikhala tshi no ṭodou swika phesenthe nthihi tsha u bva sogani, ndi zwauri, arali li songo itesa daka, ni nga vha na tshikhala tsha phesenthe nthihi tsha u bva nga inwi muňe. Fhedzi arali li soga lo vhfhesaho, ndilani ya u humela murahu, a ni na na tshikhala tsha u bva. A hu na ndila ya u

zwi ita, ngauri inwi muñe ni diwana ni kha ndila ya lufu, huno zwenezwo no—no ya, zwenezwo no fhela. Zwino, nahone ni do lovha arali ni si na muendedzi a no divha shango nahone a divha uri u do huma hani.

¹⁷ Vhunzhi ha vhoinwi ni a divha mafhungo e na a vhala mahola nnda ngei Tucson, Arizona, avho Vhatukana vha Zwikautu. Naho zwo ralo, vho vha vho gudiswa u divha uri vha tea u dīthogomela hani, vho vha vhe zwikautu. Huno vho vha vha sa tou vha Zwikautu zwa Cub fhedzi, vho vha vhe zwikautu zwo fhelelaho. Huno vho fara lwendo n̄tha dzithavhani, huno ha da d̄umbu la mahada, mupo wa shandukisa vhuimo hawo. Huno musi vho diwana vho xela nahone vhothe vha lovha, ndi ngauri vho... tshiñwe tshithu, tshanduko i ña i tshi bva kha kuitele kwa nga misi, a vho ngo divha uri vha do bva hani. Ni a vhona? Huno ndo hangwa uri ho vha na vhatukana vhangana vho lovaho thavhani, naho vho vha vhe na dzihelikhophutha, nahone Vhadziammbi vho bva, na Vhalindi vha Lushaka, na muthusi o diñetshedzaho, na tshiñwe na tshiñwe. Fhedzi vho xela, a hu na we a divha he vha vha vhe hone. Huno a vho ngo kona u dīthogomela. Vho lovha vhothe mahañani ngauri a vho ngo zwi divha uri kana vha khou ya vhubvaðuvha, devhula, vhukovhela kana tshipembe, n̄tha kana fhasi, kana nga ndila ye zwa vha zwi zwone, zweþe zwo vhonala zwi tshi fana.

¹⁸ Zwino, muendedzi u a divha hune a vha hone, hu sa londwi mutsho. O ne—o newa þoðea dza u ita hezwo. U divha zwine a khou ita. U divha tshiñwe na tshiñwe. U divha mbonalo ya tshiñwe na tshiñwe, ngauralo a nga ñi vha swiswini nahone a pfa tshiñwe tshithu.

¹⁹ Sa tsumbo, ngea maano a kale a muendedzi. Ni a divha, arali na lavhelesa dñialedzi, nnyi na nnyi a nga amba urí ni ya thungo ifhio arali ni tshi do sedza dñialedzi. Huno tshifhinga tshothe ni ñoda u sedza ñaledzi nthihi i re yone. Hu na ñaledzi nthihi fhedzi i re yone, huno iyo ndi ñaledzi ya Devhula. Ni a vhona, nthihi fhedzi, i ima henefho fhethu. Iyo i imela Kristo, a sa shanduki mulovha, ñamusi, na lini na lini. Vharíwe vha nga ñi tendeleka, fhedzi Ene u dzula o ralo. Zwivhidzo zwi nga ni kokodzela thungo *heyi*, kana vharíwe vha ni kokodzela thungo *heila*; fhedzi hu si Ene, tshifhinga tshoþe U dzula o ralo.

²⁰ Zwo luga, zwino, arali ni sa vhone iyi ñaledzi ya Devhula, nahone hu na makole, zwenezwo arali ni tshi do dzhieila nzhele, arali hu masiari nahone no xela, arali ni tshi do sedza miri. Tshifhinga tshoþe muri, lukalwe lu kha lurumbu lwa devhula lwa muri, ngauri lurumbu lwa tshipembe lwa muri lu wana ðuvha u fhira lurumbu lwa devhula. Fhedzi mini-ha arali ho swifhala nahone ni sa vhone lukalwe? Arali ni tshi do bonya maþo anú nahone na sa lingedze u ita zwa u elekanya-vho, na bonya maþo anú nahone na wana muri u re na gwati li suvhelelaho, vheani zwanda zwanú u mona na muri nga u rali u swikela

minwe yanu i tshi Ძangana, huno zwenezwo ni thome u mona na uyo muri nga u ongolowa vhukuma. Huno musi ni tshi swika fhethu hune gwati la vha lidenya vhukuma, lo kwatukana, ulwo ndi lurumbu lu re devhula (mimuya), huno ni nga kona u amba uri no livha thungo ifhio, devhula kana tshipembe. Huno nga iyo ndila, oo, hu na zwithu zwinzhi, fhedzi hu Ძodea vhaendedzi u divha ndila ya u ita izwo zwithu. Muthu zwawe fhedzi u a takuwa afho nahone a ri, “A thi pfi hu na phambano khazwo.” Ni a vhona? Ni a vhona, ni tea u gudiswa uvho vhuendedzi.

²¹ Huno avha vhatukana, a zwi timatimisi uri vho vha vhe zwikautu zwavhuđi, vha nga di kona u pfuđela mapfundo, vha nga di kona u sika mulilo nga matombo, na zwinwe nga u ralo. Fhedzi u divha ndila yanu ya u bva, ndi wone muhumbulo! Vhone, vhone a vho ngo divha ndila yavho ya u bva, ngauralo-ha vho lovha vhothe ngauri a vho ngo Ძuwa na muendedzi.

²² Khotsi a sa londi, miňwaha mivhili yo fhiraho, kha Ძ Colorado, oo, o vha a tshi ya n̄tha dzithavhani, e na mutukana mućuku wa miňwaha ine ya Ძodou swika ya rathi, sumbe nga vhukale. O vha a tshi khou yo Ძuwa nae kha lwendo lwawe lwa u thoma lwa u yo zwima nyala. Ngauralo vho ya n̄tha-n̄tha ha thavha, huno mutukana mućuku a ri kha baba wawe, “Ndi khou neta.”

²³ “Ida ndi u bebe. A ri athu ya n̄tha lwo edanaho, nyala dzi n̄tha.” Munna a bvela phanda na u tshimbila u swikela a tshi wana... Ho ngo divha, o vha e munna wa doroboni. Ho ngo divha tshithu nga ha uri hu zwimiwa hani kana hu nga iwa ngafhi. Munna ushio na ushio ane a divha tshinwe nga ha soga u a divha uri nyala a i dzuli n̄tha-n̄tha. A dzi yi n̄tha hangei. Mbudzi dzi dzula n̄tha hangei, hu si nyala. Dzi fhasi hune dza kona u Ძa, dzi tea u ya hune ha vha na tshinwe tshi no Ძiwa. Huno, ngauralo, fhedzi uyu munna a elekanya, “Arali nda wana ndila n̄tha matomboni hunwe fhethu n̄tha hangei, ndi do wana n̄tsa khulu.” O vha o no vhona tshifanyiso tsha dziňwe dzo ima n̄tha ha—dzo ima n̄tha ha tombo, huno a elekanya uri afho ndi hone hune a do i wana hone. Ni songo dzhiela nzhele zwine yone mimagazini ya amba, nnenñe, yawee, nnenñe, ni do vha na tshikandeledzi! Hezwo, hu na tshithu tshithihi tshi no tea u itwa, ndi u dzhia muendedzi hune na divha hune na vha hone.

²⁴ Huno uyo khotsi, nga kathihi fhedzi ha da mvula n̄tha henengei, inwe ya mvula dzi no Ძavhanyedza u da. Huno munna o zwima u swika tshifhinga tshi tshi Ძuwesa, u swikela hu tshi swifhala nahone a kundelwa u wana ndila yawe ya u huma. Huno yone... zwenezwo mimuya ya da u buđekanya n̄tha ha dzithavha, huno ene muñe a tshi khou Ძavhanyedza, nahone izwo ndi...

²⁵ Ni tea u divha uri ni do ponya hani, arali no hanganea. Hu na tshinwe tshithu, divhani uri ni do ponya hani! Ndo no namela

miri nahone nda suvha u tsa nayo, huno nda namela miri nahone nda suvhela fhasi, n̄tha na fhasi nga u ralo, uri ndi tshile. Ndo no dzhia mahada musi e nayo nna thungo iñwe na iñwe, nda phapha tshitanda nahone nda tshi vhea fhasi. Nahone ndo farwa nga ndala nga maanda lwe nda vha ndi sa koni u zwi kondelela na kathihi! Huno nda phapha izwi zwitanda zwa kale, huno nda zwi vhasa nahone nda zwi litsha zwa fhisa huno zwa nokisa mahada. Huno zwenezwo i tshi ḥodou rwa awara ya u thoma n̄tha ha tshithoma nga matsheloni, awara ya vhuvhili n̄tha ha tshithoma, nda kokodzela zwitanda murahu, huno nda lała kha mavu ayo a dudelaho, uri ndi tshile. Huno ni tea u ñivha uri izwi zwithu zwi itwa hani.

²⁶ Huno hoyu munna ho ngo ñivha zwe a vha a tshi khou ita, ho ngo vha na muthu wa u mu laedza. Huno a tika murwa wawe muñku nga khana yawe u swikela a tshi pfa a tshi rothola huno a fa. U sa londa! Arali o vha o tou ḥuwa na muendedzi, o vha a tshi do vha o mu vhuisa heneffo murahu fhasi ha thavha hu sa londwi uri tsho vha tshi tshifhinga-de, ni a vhona. Fhedzi o lindela u swikela hu tshi swifhala, zwenezwo a si kone u vhona ndila yawe.

²⁷ Khakhathi ndi yeneyo kha Vhakriste ñamusi. Vha lindela u swikela swiswi li tshi tiba, zwenezwo ni wana zwauri no ḥuwa ni si na Muendedzi. Muendedzi!

²⁸ Mulandu, no vhuya na vhona muthu o xelaho? Naa muñwe muthu o vhuya a vha na tshenzhemo ya u ñisa munna o xelaho? Ndi tshithu tshi tungufhadzesaho tshe na vhuya na tshi vhona. Musi munna a tshi xela, u a ḥanganana. Ha ñivhi tshine a khou ita. Ro fara munna nn̄da hangei, mutukana, huno o vha o xela mañakani, nahone o humbulelwa... O vha e rabulasi, fhedzi o vha e ñisini li si ñone huno a xela, a huma. Huno musi vha tshi mu wana nga murahu ha mađuvha mararu, o vha a tshi khou gidima sa munna o ḥangananaho, a tshi khou zhamba nga ipfi lawe ḥothe. Meme dzawe dzo vha dzo lea tshothe, huno tshigidi tshawe o tshi laña nahone ho ngo ñivha zwine a nga ita. Huno musi mukomana wawe, musi... Vho do tea u mu fara nahone vha mu vhofha. Musi mukomana wawe a tshi da khae, o lwa nae sa phukha, a lingeda u mu luma, ho ngo ñivha he a vha e hone. Mulandu? O vha o xela. Huno munna o xela, u kha tshiimo tsha ndađo. Huno ha zwi ñivhi uri u kha itsho tshiimo, ngauri u xela hawé hu rumela uyu mufhiso khae, huno ha ñivhi hune a vha hone na uri u khou ita hani.

²⁹ Zwo tou ralo musi munna o xela Mudzimuni! U do ita zwithu zwine nga lwawe a sa do zwi ita. U do ita zwithu zwine—zwine zwa fhira zwine mihumbulo ya muthu ya ita. Munna o xelaho Mudzimuni, tshivhidzo tsho xelaho Mudzimuni, tshivhidzo tsho ḥutshelaho Mudzimu, tsho ḥutshelaho milayo ya Bivhili ya Mudzimu, tshi do ita zwithu zwine nga zwiñwe zwifhinga ni sa do lavhelela u zwi wana tshivhidzoni tsha

Mudzimu a tshilaho. Vha do wana tshelede yavho nga mitambo ya vhufhura, nga u tamba loto, nga u betsha, tshiñwe na tshiñwe tshine vha nga tshi ita. Vha do funza nga ha tshiñwe na tshiñwe, vha tendela tshiñwe na tshinwe tshi tshi endeleta, vha phaphatha munna muñanani a re na dzithabelo khulu tshivhidzoni, na zwiñwe-vho nga u ralo, u vha litsha vha bvela phanda nazwo. Ndi zwone. Vha vhea vhadi koni kha bodo vho malaho luna kana luñanu, u tou itela uri zwi bvele phanda, uri zwi konadzee u ita tshino na tshiila. Hu na tshithu tshithihi fhedzi tshine na tea u tshi ita, itsho ndi, pfanelo yanu kha Mudzimu. Takuwani nahone ni ambe Ngoho! Munna o xelaho, o xelaho u kha tshiimo tsha ndado, ndi munna a pengaho.

³⁰ Muendedzi u a pfectesa, uri hu tshimbilwa hani na uri hu tea u itwani. Mudzimu kha... Tshifhinga tshothe Mudzimu o rumela muendedzi kha vhathu Vhawe. Na kathihi Mudzimu ha athu kundelwa. U rumela muendedzi, fhedzi ni tea u tshimbila u ya nga ndila ine a amba. Arali ni tshi dzhena sogani, huno muendedzi wañu a ri "ri ya thungo iyo," huno ha vha hu uri ni elekanya uri ni ya thungo iyo, ni yo fheleledza no xela. Zwenezwo musi ni... Mudzimu u ri rumela muendedzi wa u ri endedza, ri tea u tevhela uyo muendedzi. A hu londwi uri ri elekanya mini, ndi tshini tshi no vhonala tshi tshi pfala na uri ndi tshini tshi no vhonala tshi sa pfali, riñe a ro ngo fanela u khethekanya hezwo, muendedzi ndi ene e ethe.

³¹ Mudzimu, kha Testamente ya Kale, o rumela vhaporofita. Vho vha vhe vhaendedzi, ngauri Ipfi la Murena lo dela muporofita. Vho vha vhe vhaendedzi. Vho funza vhathu vhunga ro zwi pfa vhusiku ho fhiraho, nga ha Yesaya na Usia. Vho funzwa, huno vha funza vhathu nahone vha vha endedza. Huno zwino tshifhinga tshothe Mudzimu o rumela vhaendedzi Vhawe, tshifhinga tshothe na kathihi Ho ngo vha a si na muendedzi, kha zwikhathi zweþhe. Tshifhinga tshothe Mudzimu o vha na muñwe muthu o Mu imelaho kha lino lifhasi, kha zwikhathi zweþhe.

³² Zwino, nga zwiñwe zwifhinga vha a tsiruwa kha muendedzi, "vha pambuwa," sa zwine ra zwi vhidza zwone. Musi Yesu e fhano kha lifhasi, naa a ni elelwi Yesu o vhudza Vhafarisei, "Vhoinwi vhaendedzi vho pofulaho"? Vhaendedzi vho pofulaho, no pofulaho kha zwithu zwa maya. Ni a vhona? Zwino, vho vha vho tea u vha vhaendedzi, vhaendedzi kha vhathu, vha tshi endedza vhathu kha tshidzo. Fhedzi Yesu o ri, "No pofula!" Nahone A ri, "Vha litsheni, ngauri arali bofu li tshi ranga phanda bofu, naa vhuvhili havho vha nga si wele dindini?" Vhaendedzi vho pofulaho! Oo, nga ndila ye shango la tshikafhala nga uvho, vhuendedzi ho pofulaho. Ha todii ni tshi fulufhela þhalukanyo yanu. Mudzimu ha þodi ni tshi fulufhela þhalukanyo yanu kana mihibulo yanu, kana mihibulo yo sikwaho nga muthu.

³³ Mudzimu u rumela Muendeddzi, nahone Mudzimu u ḥoda ni tshi elelwa uri uyo ndi Muendeddzi o vhewaho Wawe. Huno ri fanela u Mu elelwa. Hafha li ri, Yesu o ri, “A thi nga ni ṭutsheli, fhedzi Ndi do rabela Khotsi huno U do ni rumela muñwe Muimeleli.” Huno uyu Muimeleli, musi O vha e wa u da, o vha e wa u ri endedza kha Ngoho yothe. Huno Ipfi la Mudzimu ndi Ngoho, nahone Ipfi ndi Kristo, “Ndi Nne Ndila, Ngoho, na Vhutshilo.” Ndi Ene Ipfi, “U rangani Ipfi o vha e hone, huno Ipfi o vha e na Mudzimu, Ipfi o vha e Mudzimu. Huno Ipfi a itwa ḥama nahone a dzula vhukati hashu.” Zwenezwo arali ri tshi tevhela Muendeddzi vhukuma wa ngoho, Muya Mukhethwa, O vha wa u ri vhudza zwe A vha o no zwi vthona, zwe A vha o no zwi pfa, nahone O vha e wa u ri sumbedza zwithu zwi no do da. Amene. Khezwo. U khou yo ni sumbedza zwithu zwi daho.

³⁴ Huno musi zwivhidzo zwi tshi hana Uyo namusi, ri nga kona hani u vha ra lavhelela u ya Ṭadulu? Musi Muya Mukhethwa wo rumelwa kha riñe uri u vhe Muendeddzi, ri do dzhia muñwe mukhadinala, muñwe mubishopo, muñwe mulangi wa nyangaredzi, kana muñwe muthu o raloho wa u ri endedza, ngeno Muya Mukhethwa wo ḥewa riñe u ri endedza.

³⁵ Huno Muya Mukhethwa u amba nga ha Ipfi tshifhinga tshothe. “Ndi na zwinzhi zwine nda ḥodou ni vhudza, ni nga si kone u li pfecta zwino, fhedzi musi U tshi da, U do ni endedza Khało.” Ndi ngazwo Mapfundo o da. Mafheloni a Pfundo la Vhusumbe, tshipiri tsha Mudzimu tshi tea u khunyelela, u divha uri Mudzimu ndi Nnyi, zwine A vha zwone, ndila ine A tshila, nzulele Yawe, Vhuene Hawe. Kha lwendo lwothe ni khou tea u vha *hafha* n̄tha nga itsho tshifhinga, ni a vthona, zwi ri disa kha tshiimo tsho fhelelaho tsha vharwa na vhananyana vha Mudzimu, Tshivhidzo tsho ḥanzwiwaho Malofhani a Kristo, tsho rengwaho hu si nga tshelede, tsho badelelwaho nga Malofha a Yesu Kristo.

³⁶ Zwino, khezwi, Muendeddzi, nahone ndi Ene Muendedzi o nekedzwaho nga Mudzimu. Zwino, ri khou tshimbila sogani huno ri ndilani yashu ya u ya huñwe fhethu, huno ri nga si bvele phanda ri si na uyu Muendeddzi. Nahone nnyi na nnyi a songo lingedza u vhea muñwe muendedzi! Arali na ralo, u do ni bvisa ndilani. Hoyu Muendedzi u divha ndila! U divha intshi iñwe na iñwe ya ndila. U divha muhumbulo muñwe na muñwe u re mbiluni yanu. U divha muñwe na muñwe a re fhano. U divha uyo ane na vha ene na zwe na ita, na zwothe nga ha inwi. Ndi Muendedzi wa Mudzimu, Muya Mukhethwa, huno u do ni dzumbululela zwithu, huno u do amba zwithu zwe A zwi pfa, a nga dovhola maipfi anu ngeno murahu nahone a amba zwe na amba. Amene. A nga ni vhudza zwe na vha ni zwone, zwine na vha nazwo, hune na khou ya hone. Muendedzi, Muendedzi ene-ene, huno U do ni endedza kha Ngoho yothe, huno Ipfi lawe ndi Ngoho.

³⁷ Zwino, Muya Mukhethwa na kathihi u nga si ite, ambe uri “amene” kha luñwe lushaka lwa ndaela yo itwaho nga muthu. U do tendelana na Ipfi la Mudzimu fhedzi nga “amene,” ngauri lo tou ralo. Muya Mukhethwa u nga si ni khade nga iñwe ndila-vho. Zwino tshithu tshisili ndi, tsha uri riñe rothe, dinomineisheni khulwane dzashu dzothe na zwithu, ri ima kha la uri iñwe na iñwe i khadwa nga Muya Mukhethwa, huno hu na phambano nga maanda sa i re hone kha masiari na vhusiku kha riñe rothe.

³⁸ Fhedzi musi Paulo, ula Mufarisei muñuku we a tanganedza Muya Mukhethwa musi Anania a tshi mu lovhedza, huno a ya Arabia nahone a guda lwa miñwaha miraru, a vhuya, nahone na kathihi a si kwame tshivhidzo nga ha tshiñwe lwa miñwaha ya fumiña, huno musi a tshi da nahone a tanganana na Petro, thoho ya tshivhidzo Yerusalem, vho andana kha Pfunzo. Mulandu? Muya Mukhethwa wonoyo! He Petro a lovhedza nga Dzina la Yesu Kristo, Paulo o ita zwo raloho hu si na muñwe a mu vhudzaho. He Petro a funza ndovhedzo ya Muya Mukhethwa, na vhukhethwa, na zwiñwe-vho; Paulo o ita zwo raloho, a songo kwama tshivhidzo, ngauri O vha e onoyo Muendedzi. Zwenezwo ri do vha hani ñamusi musi vhathu vha tshi landula aya Mafhungo-ngoho? Musi Petro o funza nga ha zwe a ita nga ha ndila ye tshivhidzo tsha vha tshi tshi tea u dzudzanywa, Paulo o vha na Pfunzo yo raloho, ngauri vho vha na onoyo Muendedzi.

³⁹ Muendedzi ha khou yo dzhia muñwe thungo *heyi*, na muñwe thungo *iyo*, huno a rumu muñwe vhubvaduvha nahone uyo muñwe vhukovhela. U khou yo ni dzudza fhéthu huthihi. Huno arali ri tshi nga tou tendela Muya Mukhethwa u ri dzudza fhethu huthihi, ri do vha vhathihhi. Arali—arali ri sa sokou tendela Diabolo a tshi ni kokodzela kha ndila i si yone, ri do vha vha mbilu nthihi, thalukanyo nthihi, nyandano nthihi, nga Muya muthihi, Muya Mukhethwa, Muendedzi wa Mudzimu a no do ri endedza kha Ngoho yothe. Ndi zwone. Fhedzi ni tea u tevhela Muendedzi wañu. Ee, muñe wanga.

⁴⁰ Vhonani Nikodemo, o todä Muendedzi, naho zwo ralo o vha e munna o tñalifhaho. O vha e thitshara, e na miñwaha i no tñodou swika ya fumalo. O vha e wa Vhafarisei, kana—kana Khothe dza Sanhedrini, Khoro, Dzangano la Vhashumeli. O vha e muñwe wa vhanna vhavho vhahulwane, thitshara kha la Israele, mukoni wazwo. Elekanyani, thitshara wa makone! Ee, o ñivha milayo, fhedzi musi hu tshi ñiwa kha la u bebwa hafhu, o todä Muendedzi. O vha e na ndala yaho. O zwi ñivha zwauri hu tea u vha na tshiñwe tsho fhambanaho. U ñivhadza vhüdipfi hawe kha Kristo uvho vhusiku ho zwi sumbedza. Nahone ho sumbedza hetshi, vhüdipfi ha vhañwe vhothe, fhedzi a hu na na muthihi wavho we a vha na tshenetsho—tshenetsho tshivhindi tshe a vha e natsho. Ho vha hu si na na muthihi wavho we a vha a tshi nga da afho nahone a ita zwe a ita. Vhoinwi nothe, vhathu, ni lañekanya Nikodemo nga u da vhusiku. O ya henefho.

A swika. Ndi a divha uri vhañwe vhathu vha nga si vhe vha thoma, masiari kana vhusiku. Fhedzi o ya henefho, nahone o ḥoda Muendedzi, huno a ri, “Muñe, riñe,” vha bvaho kha Khothe ya Sanhedrini, “riñe ri a divha uri Iwe u Thitshara a bvaho Mudzimuni.” Mulañdu o zwi divha? O themendelwa. Vhonani, o ḥoda u divha zwe iyi mbebo ntswa ya amba, huno o ya henengei kha Ene-ene, ngauri Mudzimu o khwañhisedza uri Hoyu ndi Muendedzi Wawe, Yesu. Vhonani zwe a amba, “Muñe, riñe ri a divha uri Iwe u Thitshara a bvaho Mudzimuni, ngauri a hu na muthu ane a nga ita zwithu zwine Wa ita, nn̄dani ha musi Mudzimu e nae.”

⁴¹ Yo vha i khwañhisedzo henengei, ya uri ho vha hu na Mudzimu a tshilaho ngomu Hawe. Zwe A tanziela, “A si Nñe ane a ita mishumo; ndi Khotsi Anga a dzulaho kha Nñe. Ngoho Ndi a ni vhudza, Murwa ha koni u ita tshitihu nga Ene muñe; fhedzi zwine A vhona Khotsi a tshi ita, hezwo Murwa u a itavho. Khotsi u a shuma, huno Nñe ndi shuma u swika zwino.” Nga mañwe maipfi, Mudzimu o Mu sumbedza zwine a tea u ita, huno O ya nahone a tou zwi ita. Ho ngo ita tshitihu u swikela Mudzimu o no Mu vhudza uri a tshi ite. Amene. Hedzo ndi mbuno vhukuma dzi sa mona-moni dzazwo. Arali ri tshi nga tou sudzuluwa nahone ra lindela u swikela Muya u tshi ri sukumeda uri ri zwi ite! Ndi zwezwo. Huno zwenezwo ra vha vho xelaho tshothe-tshothe kha Kristo lune A sa do tea u enda a tshi ni sukumeda vhunga zwine A nnyita, fhedzi u dzungudza thoho Yawe zwiñuku luthihi, inwi no dilugisa huno a hu na tshitihu tshi no khou yo ni imisa, ngauri ni a divha uri ndi lutamo lwa Mudzimu.

⁴² O ḥoda Muendedzi. O vha Muendedzi o themendelwaho. O kona u khadwa nga uyu Muendedzi ngauri o divha uri uyu Muendedzi o hevhedzwa nga Mudzimu. O divha uri mikhuvha ye a vha o no i shumela, khamusi nga Vhafarisei, Vhasadukei, na zwiñwe-vho zwinzhi, o no ñi shumela idzo ndaela tshifhinga tshothe huno a vhona hu sa bveleli tshitihu. Fhedzi hafha hu ña Munna vhuponi, a tshi amba uri ndi Ene Mesia o fulufhedziswaho wa Bivhili. Zwenezwo U a rembuluwa huno a ita mishumo yeneyo ya Mudzimu. Yesu o ri, “Arali Ndi sa iti mishumo ya Khotsi Anga, zwenezwo ni songo Ntenda. Fhedzi arali ni sa koni u Ntenda, tendani mishumo yeneyo ine Nda ita, ngauri i a N̄tanzielela.”

⁴³ Zwenezwo, a zwi mangadzi Nikodemo o kona u ri, “Muñe, ri a divha uri u Thitshara li bvaho Mudzimuni, ngauri a hu na muthu ane a nga ita zwithu zwine Wa ita Mudzimu a si Nae.” Ni a vhona, o ḥoda Muendedzi, nahoh o vha e muñe wa tshitihu. O vha e muñe wa tshivhidzo tshawe. O vha na khuliso, nahone o vha na—o vha na madzulo a ndeme, nahone e munna muhulwane; a hu na na thimothimo, ñhonifho dzi bvaho kha vhathu vhothe

shangoni lothe. Fhedzi hu tshi diwa kha la u bebwa hafhu, o ṭoda Muendedzi! Na riñe ro ralo, ee, ro ṭoda Muendedzi.

⁴⁴ Koronelio, o vha e munna muhulwane, munna a divhaleaho. O fhaṭa dzikereke. O ḥthonifha Vhayuda ngauri o divha uri vhurereli havho ho vha hu hone. Huno o vha a tshi kovhela vhashai, nahone a tshi rabela duvha līnwe na līnwe, fhedzi musi Muya Mukhethwa u tshi da (Tshiñwe tsho no engedzedzwa kha tshivhidzo), o ṭoda Muendedzi. Mudzimu o mu rumela Muya Mukhethwa. O U rumela nga muthu Petro, “Ngauri musi Petro a tshi kha di amba aya Maipfi, Muya Mukhethwa wa wela khae” [Tshikhala kha theiphi—Mudz.] Mudzimu o shumisa Muendedzi nga Petro. O Mu shumisa, ngauri O endedza Koronelio kha ndila yone. Huno musi a tshi kha di amba, Muya Mukhethwa wa wela kha Vhannda. Zwenezwo a ri, “Naa muthu a nga dzivhisa madi, uri avha vha si lovhedzwe?” Ni a vhonā, hu kha di amba Muendedzi, hu si Petro. Ngauri itsho tsho vha tshi tshigwada tsha Muyuda...kana Vhannda, “vha songo kunaho, vho tshikafhalaho” khae, huno ho ngo vhuaya a ṭoda u ṭuwa. Fhedzi Muendedzi o ri, “Ndi khou ni ruma.” Ni ita zwithu zwine na sa elekanye uri no vha ni tshi do zwi ita, musi Muendedzi a tshi wana ndango yo fhelelaho, musi ni tshi Mu tendela u ni endedza. Oo, zwi mangadza hani u khadiwa nga Muya Mukhethwa. Ndi Ene Muendedzi. Zwo luga. O amba nga kha Petro nahone a mu vhudza zwine a fanela u zwi ita. Zwenezwo musi vhoṭhe vho ṭanganedza Muya Mukhethwa, a ri, “Ri nga si dzivhise madi, ngauri avha vho ṭanganedza Muya Mukhethwa vhunga ro ralo u rangani.” Huno vha vha lovhedza nga Dzina la Murena Yesu. Zwino, ndi nnyi o mu khadaho u ita izwo? Muendedzi we a vha e khae. Naa Yesu ho ngo vha vhudza, “Ni songo la mbilu nga ha zwine na khou yo amba, ngauri a si inwi a no khou amba; ndi Khotsi a no dzula kha inwi, ndi Ene a ambaho”? Amene.

⁴⁵ Khombe, i tshi khou da i tshi bva Yerusalem. Huno Mudzimu o vha o no vha na Muendedzi shangoni nga itscho tshifhinga, Muya Mukhethwa, huno O vha o no vha na munna fhasi henengei we a vha o dala nga uyu Muendedzi. Nahone o vha a si mureri, o vha a tshi tou nga mudikoni. Huno o vha e henengei fhasi a tshi khou fhodza vhalwadze nahone a tshi khou pandela vho-diabolo, huno a tshi khou vusa mufhirifhiri muhulu, muđini ho vha hu na dakalo lihulwane. O vha na madana a vhathe e a mu kuvhanganelo, huno Muendedzi a ri, “Ndi kule lwo edanaho, kha ri hume nga ndila heyi.” Ho ngo ṭatisana na Muendedzi wawe.

⁴⁶ Na kathihi ni songo ṭatisana na Ipfi la Muendedzi waṇu. Mu tevheleni. Arali na sa ralo, ni do fheleledza no xela. Huno, elelwani, musi ni tshi Mu tutshela, ni sala ni si na thuso, ngauralo ri ṭoda u dzula ri tsini ha Muendedzi.

⁴⁷ Ngauralo ndilani, O ri, “Tutshela itshi tshigwada zwino, Filipo, huno u bvele nn̄da u dzhene sogani hune hu sa vhe na muthu. Fhedzi Ndi a u ruma nn̄da henengei, huno hu do vha na

muńwe muthu musi Ndi tshi u bvisela nn̄da hangei.” Hafha hu da khombe i no liwa nga vhumvumvu, o vha e munna muhulwane kha khosikadzi fhasi kha la Ethiopia. Ngauralo o vha a tshi khou da, a tshi khou vhala Bugu ya Yesaya. Huno Muendedzi a ri, “Iya tsini ha gariki.”

Huno a ri, “Naa ni a pfesesa zwine na vhala?”

⁴⁸ A ri, “Ndi nga pfesesa hani hu uri a hu na muthu wa u nnyendedza?” Yawee, nn̄enqe! Fhedzi Filipo o vha e na Muendedzi. Amene. Huno a thoma kha Luńwalo lwonolwo, huno a mu rerele Kristo. Amene. Muendedzi! Hu si u mu vhudza ińwe ndaela, o mu vhudza nga ha Muendedzi, Kristo! Huno a mu lovchedza nn̄da henengei kha mańwe mađi. Nga ngoho, zwo vha zwo ralo. Oo, ndi zwi funa hani izwo!

⁴⁹ Musi Israele a tshi tutshela Egipita a tshi ya shangoni lo fulufhedziswaho, kha Ekisodo 13:21, Mudzimu o zwi diwha uri na kathihi a vha athu fara iyo ndila. Ho vha hu maela dza mahumi mańa fhedzi, fhedzi vho ḥoda tshinwe tsha u tshimbila navho. Vho vha vha tshi do xela ndila yavho. Ngauralo Ene, Mudzimu, o vha rumela Muendedzi. Ekisodo 13:21, tshinwe tshi no nga hetshi, “Ndi ruma Muruńwa Wanga phanda hanu, Khavhu ya Mulilo, u ni vhulunga ndilani,” u vha endedza kha ili shango lo fulufhedziswaho. Huno vhana vha Israele vho tevhela uyo Muendedzi, Khavhu ya Mulilo (vhusiku), Gole masiari. Musi li tshi ima, vho ima. Musi li tshi enda, vho enda. Huno musi A tshi vha swikisa tsini ha shango, huno vha vha vha songo tea u pfuka, A dovha a vha khadela murahu sogani. O vha a si nga ḥuwi navho.

⁵⁰ Ndi zwine tsha vha zwone, tshivhidzo ḥamus. A zwi timatimisi uri ho tou sala fhedzi u sa fhela mbilu ha Mudzimu ḥamus, u fana na zwe zwa vha zwi zwone mađuvhani a Noaxe, tshivhidzo tsho vha tshi tshi do vha tsho no tuwa arali tsho vha tsho no khakhulula nahone tsha vha ngonani. Fhedzi U tea u ri khada afha na afho na afha na afha na afho.

⁵¹ Israele o diwha zwiṭuku, musi vha tshi khou ḥavha mukosi, nga u vhona maswole o faho a Egipita, bere dzo nwelaho khothe, gariki dza Farao dzo ganamiswa, vha wana gundo lavho, Mushe e Muyani, a tshi khou imba e Muyani, Meriamu a tshi khou tshina e Muyani, huno vhananyana vha Israele vha tshi khou gidima n̄tha na fhasi kha philiphili, vha tshi khou ḥavha mukosi nahone vha tshi khou tshina, vho vha vho salelwa nga mađuvha a si gathi fhedzi u bva kha mafhi na mutoli. Vho diwha zwiṭuku uri zwo vha zwi kule nga miňwaha ya fuiňa, ngauri vho thoma u gungulela Mudzimu na Muendedzi.

⁵² Huno ri diwana ro tou ralo. Nga murahu ha hafha ndi ya Shreveport. Huno Muya Mukhethwa wo tsa nga ḫuvha la U ḥea ndivhuwo, miňwaha ya mahumi mađanu yo fhiraho, kha la-kha la Louisiana, nga ḫuvha la U ḥea ndivhuwo.

Tshivhidzo tsho wa hani u bva tsheetsho! Naa ni a ɏalukanya uri tshivhidzo tsha Roma Katolika mathomoni atsho tsho vha tshi tshivhidzo tsha pentekoste? Heyo ndi ngoho. Ndi zwone. Tsho vha tshi tshivhidzo tsha pentekoste, fhedzi vhahulisei vha sa ɏodi tshanduko vha thoma u dzhena huno vha shandukisela ma—Mañwalo a Mudzimu kha mikhuvha yavho, vha engedza dzidogima Khało, na zwiñwe-vho. Huno vhonani zwine vha vha nazwo zwino, a hu na na kupiða kwa Luñwalo kha tshiñwe tshazwo. Vho dzenisa tshiñwe vhudzuloni ha tshiñwe-vho, tshipiða tsha tshinnkwa tsha imela Muya Mukhethwa. Vho dzenisa u shasha vhudzuloni ha u mbwandamedza. Vho dzenisa “Khotsi, Murwa, na Muya Mukhethwa” vhudzuloni ha “Murena Yesu Kristo.” Vho dzenisa zwiñwe vhudzuloni ha izwi zwipiða zwihiwlane zweþthe zwa lutendo zwa Mudzimu zwe zwa vhetshelwa riñe, huno zwi kule, kule-kule, kule nga maända na Pfunzo ya Luñwalo.

⁵³ Huno Pentekoste yo wa kha la Louisiana, miñwaha ya mahumi mañanu yo fhiraho, huno arali i tshi lalama miñwe miñwaha ya madana mavhili, i ðo vha kule u fhira zwine tshivhidzo tsha Katolika tsha vha zwone, arali tshi tshi dzulela u wa nga ndila ye tsha ralo miñwaha iyi ya mahumi mañanu yo fhiraho, ngauri vha khou tou engedza khatsho tshifhinga tshoþhe, lunzhi-lunzhi. Vhareri vha kale a vha tsheeho. Miñangano zwiþaraþani, na kathihi a ni pfi na nga ha muthihi zwawo. Tshithu tshoþhe tshine ra vha natsho ndi tshigwada tsha Hollywood tsho engedzedzwaho khatsho, vhasadzi vho lukwaho mavhudzi vha ambaraho dzishothi, vho pendwa, na tshiñwe na tshiñwe-vho, vha tshi ðivhidza Vhakriste. Muñwe Ricky muþuku e na kaþara, a tshi gidima nþha na phasi afho fhethu, huno vhasadzi vhe na rokho dzi vha pataho vhunga . . . u tou fana na tshipiða tsha nama tshisekene tshi re na lu—lukanda nga nnða, zwa todou ralo, vha tshi didzinginyisa vhe kha pulatifomo, vha tshi gidima nþha na phasi kha pulatifomo, vha tshi khou tshina vhe na zwiñina zwa nðevheni zwi tshi khou nembelela, na linwe la aya mañunyele maswa a mavhudzi a musadzi-wa-shango hafha, zwenezwo ha ðivhidza Vhukriste.

⁵⁴ Tshine ra tshi ɏoda ndi vhurereli ha kale, ho rumelwaho nga Mudzimu, vhu fhisaho vhune ha ðo fhisa ulwo lufuno lwa shango lwa bva kha tshivhidzo. Ri tea u vhuyelela kha Muya Mukhethwa na mulilo, murahu kha tshithu tshine tsha fhisa tshika, tsha vhuisa marerele a kale, tsha ita uri Taðulu li vhe nþha, nahone vhudzulavhafu vhu fhise, hu vhe tswititi vhunga lwobo lwa tshigidi. Ri ɏoda lushaka lwonolwo lwa marerele. Fhedzi na zwi ita ñamusi, tshivhidzo tshañu tshi ðo ni pandela.

⁵⁵ Nga tshiñwe tshifhinga vhareri vhavhudi vha a xedzwa nga tshivhidzo tshavho. Ndi ngazwo ndi si na dinomineisheni. Ndi na hedikotasi nthihi, i no bva Taðulu. Hoþhe-hoþhe hune A ruma, afho ndi a ya. Tshiñwe na tshiñwe tshine A amba, ndi

a amba. A ri ḥodi dinomineisheni. Itshi tshivhidzo tsha vhuya tsha amba nga ha dinomineisheni, ndi hone no xelewā nga mufunzi wa vhoinwi. Nne ndo vha ndi sa do dzula khatsho, na miniti miṭanu zwayo. Tshivhidzo tshiñwe na tshiñwe tshe tsha vhuya tsha dinomineitha tsho ya mbeuni, huno mmbudzeni tshithihi tshe tsha sa ite, nahone mmbudzeni tshithihi tshe tsha vhuya tsha vuwa hafhu. Muya Mukhethwa wo rumelwa u khada tshivhidzo, hu si tshiñwe tshigwada tsha vhanna. Muya Mukhethwa ndi vhuṭali hoṭhe. Vhanna vha swika hune vha kondā, vha sa pfesese.

⁵⁶ Mudzimu o vha vhudza uri U do vha rumela Muendedzi, U do vha khada ndilani. Huno vha tshi khou di tevhela iyo Khavhu ya Mulilo, vho vha vha tshi khou ita zwone. O vha khada u swika getheni ya shango lo fulufhedziswaho, huno zwenezwo afho ho vha hu u swika hune A nga ya hone. Zwenezwo Yoshua, ilo swole līhulwane, elelwani ḫuvha le a vha vhudza, “dikhetheni, nga ḫuvha la vhuraru Mudzimu u khou yo vula Yorodane fhasi hafha huno ri khou yo pfuka”? Zwino vhonani zwe a amba (ndi a zwi takalela hezwi) Luñwaloni, o ri, “Dzulani tsini murahu ha Mbulungelo, ngauri a ni athu fhira ndilani heyi tshifhingani tsho fhiraho.”

⁵⁷ Mbulungelo yo vha i mini? Ipfi. Ni songo tshimbila ndila dza dinomineisheni yanu zwino, dzulani murahu ha Ipfi, ngauri a ni athu fhira ndilani heyi tshifhingani tsho fhiraho. Huno, murathu, arali ho vhuya ha vha na tshifhinga tshe tshivhidzo tsha Vhukriste tsha tea u diṭola, ndi zwino. Zwa zwino ri hune yu muṭangano muhulwane wa khou bvela phanda kha la Roma zwa zwino, phambano dzi khou itwa, mbofhanó ya zwivhidzo, musi idzi dinomineisheni dzoṭhe dzi tshi vhofhana u vhumba tshifanyiso tsha livhanda, zwi tou vha kokotolo zwine Bivhili ya amba. Huno ni a divha zwe ra amba matsheloni ano kha Milaedza. Huno khezwi, tshiñwe na tshiñwe tshi tou vha henehfo muñangoni, huno vhatu vha kha di tevhela ndaela. Ni tea u dzula murahu ha Ipfi! Ipfi li do ni pfukisa, ngauri Ipfi ndi Kristo, huno Kristo ndi Mudzimu, huno Mudzimu ndi Muya Mukhethwa.

⁵⁸ Dzulani murahu ha Ipfi! Oo, ee, mune wanga! Dzulani na uyo Muendedzi. Dzulani murahu Hawe. Ni songo ya nga phanda Hawe, ni dzule murahu Hawe. Mu tendeleni A ni khade, ni songo Mu khada. Mu litsheni A ḫewe.

⁵⁹ Yoshua o ri, “Zwino, na kathihi a ni athu fhira ndilani heyi tshifhingani tsho fhiraho, a ni divhi tshithu nga ha bāda.”

⁶⁰ Khakhathi ndi yeneyo ḫamusi. A ni ḥodi muendedzi wa u ni endedza kha ndila yo aṭamāho. Oo, ni divha dzindila tsekene na tshiñwe na tshiñwe-vho. Ni divha ndila yoṭhe ya u ita tshivhi. A hu na... Oo, no no vha fhano tshifhinga tshilapfu. A hu na ḫoṭdea ya muñwe muthu a no khou lingedza u ni vhudza nga

hazwo, ni ḋivha ndila dzothe dza u khauledza. Ndi zwone, tshivhi tshiñwe na tshiñwe, ni a ḋivha zweþhe nga hatsho. A hu na muthu a no tea u ni vhudza uri ni tswe hani; hezwo ni a zwi ḋivha. A hu na muthu a no tea u ni vhudza uri ni seme hani; hezwo ni a zwi ḋivha. A hu na muthu a no tea u ni vhudza uri izwi zwithu zwivhi ni zwi ite hani, ngauri zwe nambatedzwa kha muri muñwe na muñwe hoþhe-hoþhe.

⁶¹ Fhedzi, elelwani, vhoiñwi vhatu vhanne na vha Vhakriste, no pfukela nga hangei. Ni nga ngomu ha liñwe Shango. No bebwa hafhu. Ni ngomu ha Shango, Shango ṥa Ṭadulu. Ni ngomu ha Shango lo fulufhedziswaho.

⁶² Ni nga sedza, ni ḋivha ndila yanu u mona hafha. Yawee, nnenne, ee. Ni a ḋivha uri mini—mini, hu tea u itwani kha iñwe nzulele. Ni a ḋivha zwine daisi, musi li tshi kunguluwa, zwine ṥa amba, na tshiñwe na tshiñwe nga u ralo. Fhedzi musi hu tshi ḋiwa kha u ḋivha vhukhethwa na u luga na maanda a Mudzimu, na uri Muya Mukhethwa u shuma hani na zwine Wa ita, ni tea u dzula murahu ha Ipfi, Muendedzi. Ni a vhabona? Na kathihi a ni athu fhira ndilani heyi tshifhingani tsho fhiraho.

⁶³ Zwe luga, ni ralo, “Ndo vha munna o ṭalifhaho nga maanda, ndo vha na—ndo vha na digirii mbili khołidzhini.” Itonu zwi hangwa. Ee, muñe wanga.

⁶⁴ “Ndo no ya seminari.” Itonu zwi hangwa. Iina. Ni tea u dzula murahu ha Muendedzi. Mu litsheni a ni khade. U ḋivha ndila; inwi a ni ḋivhi. A ni athu fhira ndilani heyi tshifhingani tsho fhiraho. “Zwo luga,” ni a amba, “vho ralo.”

⁶⁵ Vhonian arali vho ralo. Yesu o ri, “Avho vho fhiraho ndilani heyi, hezwi zwiga zwi do vha tevhela. Dzinani langa, vha do pandela vhodiabolo, vha do amba nga dzindimi ntswa; kana vha takula mañowa kana vha nwa zwithu zwi vhulayaho, a zwi nga vha vhaisi. Arali vha tshi vhea zwanda zwavho kha vhalwadze, vha do fhola.” Vhunzhi havho vha a li hana, vha a li landula, vha ri A lo ngo vhuya ṥa hevhedzwa. A vha khou tevhela Muendedzi. Vha khou tevhela ndaela yo itwaho nga muthu. Ni tea u dzula heneffo murahu ha Ipfi, ngauri a no ngo fhira ndilani heyi, ni a ḋivha.

⁶⁶ Fhedzi no bebwa hafhu, huno no bebelwa ngomu ha vhukhethwa. A ni athu fhira ndilani heyi tshifhingani tsho fhiraho. No fhi-... Arali ni tshi fhira ndilani iyi, ni tea u da nga vhukhethwa, ngauri ndi Shango liswa, Vhutshilo vhuswa, vhatu vhaswa.

⁶⁷ Ni do da tshivhidzoni huno na pfa muñwe muthu a tshi takuwa, a tshi ṭavha mukosi, “Vhugala kha Mudzimu! Haleluya!”

⁶⁸ Mulandu, inwi ni do ri, “Nnenñe, nga vhabona, hezwo na kathihi a vho ngo zwi ita tshivhidzoni tshanga! Ndi do takuwa nda bva!” Ni a vhabona? Ni ḫhogomele.

⁶⁹ Dzulani murahu ha Ipfi, zwino, tendelani Muendededzi u ni khada. “U do ni endedza kha Ngoho yothe, nahone a dzumbulula hezwi zwithu zwe nda amba na vhoiñwi nga hazwo. U do ni sumbedza hezwo. U do ni vhudza zwithu zwi no do da,” Muendededzi wa ngoho. Ni songo ya kha mubishopo; iyani kha Muendededzi. Ni songo ya kha muñwe na muñwe nga nnda ha Muendededzi. Ndi Ene we a rumelwa u ni endedza. Ndi Ene a no do zwi ita. Mudzimu o ni nekedza Muendededzi. Dzhiani ndila ye Mudzimu a nekedza.

⁷⁰ Khakhathi yazwo ñamusi, ndi uri vhatu vhanne vha da tshivhidzoni vha tou dzula lwa miniti i si gathi, tshiñwe tshithu tshe vha si tshi ñowele tshi bvela phanda.

⁷¹ Ndo tama musadzi muñuku a bvaho tshivhidzoni zwatsho tshi rotholaho, ndi kha di bva u mu itela thabelo. Mudzimu u khou yo fhodza uyo musadzi muñuku. Hezwi ho ngo zwi pñesesa. Ho ngo ñivha tshithu nga hazwo. O dzhena, a ri ho ngo ñivha. Fhedzi ndo amba nae, “Ida nahone u mmbone.” O vha a tshi nga o nyama nahone o salela, fhedzi Muendededzi o dzulela u mu vhudza, “Bvela phanda.” A zwi wana. Ndi zwenezwo. Ni a vhona, ndi nga ntñani ha Muya Mukhethwa une wa ri endedzela kha izwi zwithu. Ni a vhona, Mudzimu u na ndila ye a i nekedza.

⁷² Naa no vhuya... No vha na dzhiela nzhele maxantsi a songo leraho a tshi khou pfuka, masekwa a tshi khou ya tshipembe? Ndi zwone, zwino elelwani, ilo sekwa liñuku la kale lo bebwahangei kutivhani huñwe fhethu. A li ñivhi vhubvaðuvha, devhula, vhukovhela, na tshipembe. A li ñivhi tshithu nga nnda ha kula kutivha kwo dzulaho ntñha henefhañla dzithavhani kha la Canada. Na kathihi a lo ngo tutshela ukwo kutivha, fhedzi lo bebwahuri li vhe murangaphanda. Ilo sekwa liñuku la liduna lo bebwahili murangaphanda. Huno tsha u thoma, vhuñwe vhusiku ha da mahada mahulu u budekanya ntñha ha dzithavha. Hu bvelelani? Ulwo lumuya lu rotholaho lu tsela phasi u budekanya henefhañla. Ndi humbulela li tshi tetemela, li tshi ri, “Mma, zwi ambani izwi?” Ni a vhona, na kathihi lo vha li sa athu pfa uyo mutsho u rotholaho tshifhingani tsho fhiraho. Li thoma u dzhiela nzhele u mona hothe, li thoma u dzhiela nzhele u mona na lumeme lwa kutivha, ku thoma u xwatuwa, muxwatu u tshi da kha kutivha. A li ñivhi, fhedzi kathihi fhedzi... lo bebwahuri li vhe muenededzi kha ilo sambi la masekwa. Li do fhufhela vhukati ha ukwo kutivha musi hu tshi li kwama. Inwi hu vhidzeni zwine na toda. Rine ri hu vhidza u hevhedzwa, kana ni nga hu vhidza, oo, luvhudzi fhedzi, zwiñwe na zwiñwe zwine ha vha zwone. Li do thunyuluwa vhukati ha ukwo kutivha, la totomodza uyo mulomo muñuku tuyani, nahone la ri, “Honk-honk, honk-honk!” Huno sekwa liñwe na liñwe kha kutivha li do da khalo. Mulandu? A ñivha murangaphanda wao, nga ndila ine a lila.

⁷³ “Arali porompiña i tshi nea mubvumo u timatimisaho, ndi nnyi ake a nga dilugisela nndwa?” Ndi zwone. Ndi nnyi ake

a nga dilugisela nndwa arali porompiṭa i tshi nea mubvumo u timatimisaho?

⁷⁴ Ndi zwone, arali ilo sekwa lițuku li tshi nea tshililo tshi timatimisaho, ndi nnyi a no do dilugisela u fhufha? Ilo sekwa lițuku la kale li do ṭotomodza mulomo muțuku walo nnda heneffho, huno la tavha mukosi, “Honk-honk, honk-honk!” Huno sekwa liňwe na liňwe lițuku li do da khalo. “Honk-honk, honk-honk!” Ngea hafha. Muhuvho wo raloho une a do vha nawo, heneffho vhukati ha ukwo kutivha, a tshi sokou rembuluwa hafhu na hafhu na hafhu. Nga murahu ha tshifhinganyana li tshi pfa hu tshi da khalo, li tea u tuwa. Li do tharamudzela phapha thukhu dzalo fhasi huno la fhufha kha ukwo kutivha, la ya n̥tha muyani huno la rembuluwa luna kana lutānu, huno la livha ngei Louisiana u ya nga hune li nga ya, sekwa liňwe na liňwe li heneffho murahu halo. “Honk-honk, honk-honk,” ngeli li a da. Mulandu? Ndi lone muendedzi! Amene! Masekwa a divha muendedzi wao, tshivhidzo a tshi qivhi. Iina, li divha zwine la tea u ita.

⁷⁵ Sedzani one maxantsi a kale, thwii u bva Alaska. Zwino, hu na lixantsi la liduna la kale line tshifhinga tshothe la a ranga phanda, huno one maxantsi o tea u sedza ilo lixantsi la liduna zwavhuđi vhukuma. O tea u divha zwine ilo lixantsi la liduna la khou amba nga hazwo. Naā izwo no zwi vhala kha magazini wa *Sedzani* fhano phanda ha miňwaha i no todou swika miňa yo fhiraho, he nga tshinwe tshifhinga lixantsi la kale la liduna la vha li sa divhi zwe la vha li tshi khou ita, huno la ranga phanda tshigwada tsha maxantsi ndilani yothe u swika England? Ndi zwone. Na kathihi ho ngo divhea uri o vhuya a vha England tshifhingani tsho fhiraho. Mulandu? Na kathihi ho ngo vhuya a dzhieila nzhele wao—wao murangaphanda. Ilo lixantsi la liduna a lo ngo divha he la vha li tshi khou ya. Huno zwino a henengei nahone ha koni u huma.

⁷⁶ Hezwo ndi zwine zwa vha zwone kha vhunzhi ha aya maxantsi ñamusi, a kha di kuvhangana. Vha ri, uyo magazini wa *Sedzani* wo ri, aya maxantsi a a kuvhangana nahone a fhufha u mona hothe kha la England, fhedzi ha divhi uri a nga humela hani murahu. Ndi nga ndila ine zwa vha ngayo kha manwe a *maxantsi* aye nda a divha. Ni na murivha, na muțangano muhulu wo lapfaho, na vha na muňwe muvuseledzi a no do da nahone a rera lwa tshifhinganyana, fhedzi a ni divhi hune na khou ya hone. Ni kuvhangana u mona thungo dzothe, ngauri ni na liňwe lixantsi la liduna line la do ni pambusela kha tshifhinganyana tsha u qimvumvusa tsha dinomineisheni; nahone hu si u vhuyeleta kha Ipfi la Mudzimu, u vhuyeleta kha ndovhedzo ya Muya Mukhethwa. Huno zwenezwo ri mangala uri mulandu ri si na mvuseledzo mađuvhani ashu. Ni a vhona? Ni tea u wana uyo Mubvumo u sa timatimisi! Uyo Mubvumo ndi porompiṭa ya Mafhungo-mađifha i no khou femela nnda

Mafhongo-madifha, Ipfi liñwe na liñwe la Mudzimu. A si ndaela, a si dinomineisheni; fhedzi Bivhili, Muya Mukhethwa. “Izwi zwigia zwi do tevhela vha no tenda.” Ni a vhona? Huno henehfo vha tsa na ndila.

⁷⁷ Liñwe lixantsi la liduna la kale nga tshiñwe tshifhinga, vho ralo, lo vhulahisa a re na tshivhalo, li tshi khou lingedza u a fhufhisa swiswini, a lo ngo divha he la vha li tshi khou ya, lone liñe, huno othe a gekha dzithavha nnnda hangei, huno mañwe ao a phamukana, a thathekana. Ngoho! A tea u divha mubvumo wao u sa timatimisi. Ilo sekwa lituku la kale, arali li na mubvumo u sa timatimisi huno liñwe na liñwe li tshi u divha, a vha na nwaha wa mihuvho muñuku wa u kuvhangana nahone a ya tshipembe. A tsela henengei u itani? Hune hu sa rothole.

⁷⁸ Zwino, arali Mudzimu a tshi nea sekwa thalukanyo yo edanaho u divha uri li nga tinya hani murotho, O vha o tea u vha o nea tshivhidzo hani? Arali sekwa li tshi kona u ita izwo nga luvhudzi, Muya Mukhethwa wone tshivhidzoni? U tea u ri khada ra bva kha maitele a kale na dzindaela na zwithu, ra dzhena kha ndovhedzo ya vhugala, i mangadzaho ya Muya Mukhethwa. I disa maanda, ndivho, u sa shela mbilu, u ofha Mudzimu, na Muya Mukhethwa. Hezwo ndi zwine Muendedzi wa vhukuma a do khada, ngauri Ha nga do femela nnnda tshiñwe tshithu nga nnnda ha Mafhongo-madifha, Ipfi la Mudzimu fhedzi. Ngoho, ni tqoda Muendedzi!

⁷⁹ Musi, vhanna vho talifhaho, a vho ngo divha tshithu nga ha Mudzimu. Vho vha vhe—vho vha vhe vhadzia-manditi, vhadzia-madambi. Vho vha vhe ngei mashangoni a vhubvaðuvha. Ni a divha, Bivhili yo ri, “Ro vhona naledzi Yawe Vhubvaðuvha, ro da u Mu losha.” Vho vha vha tshi bva vhukovhela, vho sedza vhubvaðuvha huno vha vhona naledzi Yawe...kana vho sedza vhukovhela, vho vha vhe Vhubvaðuvha. Ro vha ri Vhubvaðuvha, huno ra vhona naledzi Yawe vhukovhela. Ni a vhona? “Ro vhona naledzi Yawe Vhubvaðuvha.” Huno, vhonani, vho vha vhe Vhubvaðuvha. “Musi ro vha ri Vhubvaðuvha ro vhona naledzi, huno ro da u Mu losha.”

⁸⁰ Ndi a fanyisa ndi tshi vhona avho vhanna vha tshi khou dilugisela u tuwa. Ndi a fanyisa muthihi wa vhaftumakadzi vhavho a tshi ri khae, a ri, “Ni ri, tshiñwe na tshiñwe tsho vhekanywa tshothe, fhedzi khamphasi yanu i ngafhi?”

A ri, “A—a thi khou yo shumisa khamphasi tshifhingani itshi.”

⁸¹ A ri, “Ni khou yo fhira hani dzithavha?” Elelwani, vho do tea u pfuka Mulambo wa Tigirisi nahone vha tsa vha fhira midavhini, huno, mulandu, vho vha na lwendo lwa miñwaha mivhili nga dzigamelia. Vha khou yo zwi ita hani? A ri, “Ndi zwone, a ni khou vhuya na dzhia khamphasi.”

A ri, “Hai.”

“Ni khou yo tshimbila hani?”

⁸² “Ndi khou yo tshimbila ndilani ye Mudzimu a nekedza. Ila naledzi hangei i khou do nkhadela kha ila Khosi.” Ndi zwenezwo.

⁸³ “Ro vhona naledzi Yawe Vhubvađuvha, huno ro I tevhela ndilani yothe fhano vhukovhela, u Mu losha. U ngafhi?” Vho tevhela ndila yo nekedzwaho nga Mudzimu. Vho vhofhekanywa na dzanda la dzindaela fhasi henengei nga tshifhinga tshițuku. Vha dzhena Yerusalema huno vha thoma u ya nt̄ha na fhasi na tshițaraća, havha vhatu vho ambaraho zwavhudisa, vha tshi ri, “U ngafhi? O bebelwafhi Khosi ya Vhayuda?” Ndi zwone, uyo o vha e t̄hoho, uyo wo vha u Yerusalema. Ngangoho tshivhidzo tshihulu tshi tea u divha tshiňwe tshithu nga Halo. “U ngafhi? O bebelwafhi Khosi ya Vhayuda? Ro vhona naledzi Yawe Vhubvađuvha, ri da u Mu losha. U ngafhi?”

⁸⁴ Mulandu, vho ya ngei ha mufunzi *Mukeneñene* na ha tshifhe muhulu *Mukeneñene*, a hu na na muthihi wavho o divhaho tshithu nga Halo. “Mulandu, hu na Muthihi o bebwaho e Khosi ya Vhayuda, U ngafhi?” A vho ngo divha.

⁸⁵ Fhedzi ho vha hu na tshigwada tsha vhalisa nn̄da hangei muvhunduni vha tshi khou diphina, ee, muñe wanga, ngauri vho da nga ndila ye Mudzimu a nekedza.

⁸⁶ Ngauralo vho dzula heneffo, huno nga u t̄avhanyedza a ri, “Ndi do ni vhudza zwine ra tea u ita, ri tea u vha na mučangano wa bodo.” Ngauralo vha vhidza Khorø ya Sanhedrini, huno—huno vha humbula arali vho pfa tshiňwe nga Halo. “Hai, a ro ngo divha tshithu nga Halo.”

⁸⁷ Zwi a fana na namusi. A vha divhi tshithu nga ha hoyu Muendeddzi, hoyu Muya Mukhethwa une wa fhodza, wa qadza, wa tshidza, u khou da hafhu. Muendedzi we a ri vhudza hezwi zwithu zwe the two bvelelaho, khezwi-ha ri tou vha vhukati hazwo. Mučalukanyi wa mihumbulo ya mbilu; a vha divhi tshithu nga ha Uho, vha Hu vhidza u vhala muhumbulo kana tshiňwe tshithu. A vha divhi zwine vha nga amba nga Hao.

⁸⁸ Ngauralo, ni a vhona, avho vhanna vho t̄alifhaho, musi... . Elelwani, musi vha tshi dzhena Yerusalema, naledzi yo phinyela. Huno musi ni tshi khou di t̄oda dzindaela na munna a re wa dinomineisheni uri a ni khadele kha Mudzimu, pfariso ya Mudzimu i do ni tutshela. Fhedzi musi dzo no vha dina nahone vha si tsha dici funa, nahone vha dici t̄utshela, vha t̄utshela dzindaela na dinomineisheni dza avho Vhayuda, huno vha bva Yerusalema, zwenezwo naledzi yo bvelela hafhu huno vha takala nga dakalo l̄ihulu nga maanda. Vho dovha vha vhona Muendedzi! Oo, zwi hani, dzhennanî kha tshiňwe tshivhidzo zwatsho tshi rotholaho tsha kale, zwenezwo ni humele kha tshavhuđi tshi dugaho, ni vhone Muendedzi a tshi khada, ndi

phambano-de! Iina, “Ro vhona ḥaledzi Yawe Vhubvaḍuvha huno ro da u Mu ḥosha.”

⁸⁹ Joshua o ri khavho, “Zwino vhoinwi tevhelani Mbulungelo, ngauri na kathihi a ni athu da thungo heyi tshifhingani tsho fhiraho.” Mudzimu ha nga do tendela iyo Mbulungelo u ya huñwe na huñwe nga nn̄da ha tsha u ḥa. Muñwe na muñwe o I tevhela, huno Yo ya ya fhira Yorodane.

⁹⁰ Zwi a fana na ḥamus, nga Muya Mukhethwa. Ee, muñe wanga. Tshi re hone tshine ra tshi ḥivha, kana ndi Muya Mukhethwa kana hai, ri vhona u vhona-... mbonadzo Dzawo, mbonadzo dici tshi khwathisedza Ipfi ḥa Mudzimu.

⁹¹ Zwino, a si kale, tshigwada tsha vharathu tshi na malofha na ole, huno izwo zwe luga arali vha tshi ḥodou zwi ita nga iyo ḥila. Ndi... Hezwo a si khwathisedzo kha nne. Ndi khwathisedzo ya Luñwalo, ni a vhona, musi zwi tshi khou khwathisedza zwe Mudzimu a amba, izwo zwe luga. Vho ri, “Hetshi ndi tshiitisi tsha u wana hanu Muya Mukhethwa, ni na ole tshandani tshañu.” Zwino, ndi—ndi nga si ime nazwo. Ni a vhona? Hai, a thi tendi zwauri ole i na mushumo nazwo. Huno arali hu malofha a no khou yo fhodza na tshidzo, ho iteani kha Malofha a Yesu Kristo? Arali iyo ole i tshi fhodza, ntho Dzawe dzone? Ni a vhona? Ni a vhona?

⁹² Ndi takalela Muendedzi a tshi da, a no ni disa kha Ngoho ya Ipfi, zwenezwo ni a ḥivha uri no piña uri ni vuledze nahone no dilugisela u vhalwa ha dzinomboro tshithu tshi sa athu itea. Ndi zwone, ni tshi khou dilugisela u fhufha. Ee, muñe wanga. Iina, ngauri mulandu? Muendedzi ndi Ene A no zwi ita zwa vhukuma.

⁹³ Ndi na Luñwalo hafha, ndo no nea aya Mañwalo, fhedzi ndi ḥodou vhalo holu. Ndi Petro Ya Vhuhili, ndima ya 1, ndimana ya 21.

*Ngauri...vhuporofita a ho ngo da zwifhingani zwa
kale nga lutamo lwa muthu: fhedzi nga vhakhethwa
vha Mudzimu vha tshi amba vho hwaliwa nga Muya
Mukhethwa.*

⁹⁴ Vhuporofita ho da hani? A si nga lutamo lwa muthu, ndaela dza dinomineisheni; fhedzi nga lutamo lwa Mudzimu, musi vhakhethwa vho hwaliwa nga Muya Mukhethwa. Tshifhinga tshothe wo vha Muendedzi wa Mudzimu. Uyo wo vha u Muya Mukhethwa we wa vha u kha iyo Khavhu ya Mulilo, uyo wo vha u Muya Mukhethwa, muthu muñwe na muñwe u a ḥivha uri uyo o vha e Kristo. Mushe o pfuluwa Egipita, a dzhieila n̄tha u nyadzwu ha Kristo sa lupfumo luhulwane u fhira ulwo lwa Egipita. Kristo o vha e Ene. Zwo luga, musi vha tshi ima nn̄da hangei nahone vha tshi khou ri, “Zwo luga, U ri U... Mulandu, A u athu fhira miñwaha ya mahumi mañanu nga vhukale, huno u ri Wo no vhona Abrahamu?”

⁹⁵ O ri, "Abrahamu a sa athu vha hone, NNE NDI HONE." NNE NDI HONE o vha Ene we a ḥangana na M̄ushe kha Khavhu ya Mulilo tshiṭakani tshi swaho. Ee, mune wanga. O vha Mudzimu o itwaho ḥama. A si muthu wa vhuraru; Muthu onoyo e kha ofisi yo fhambanaho. A si midzimu miraru; ofisi tharu dza Mudzimu muthihi. Ndi zwone.

⁹⁶ Zwo luga, zwino, Luṇwalo. Tshifhinga tshothe, musi Mudzimu a tshi nea, U nea zwa khwinesa. Musi Mudzimu o nea ndila ya u khwaṭhisa tshivhidzo Tshawe, O nea zwa khwinesa. Musi A tshi nea Adamu na Efa, ngadeni ya Edeni, tshe A vha nea ndi Ipfi lawe. "Ni dzule murahu ha ili Ipfi, huno no tsireledzea. Fhedzi arali na bva Khalo, duvha line na u la lenelo duvha ni a fa." Na kathihi Mudzimu ha athu shandukisa pułane Yawe. Na Saṭhane ha athu shandukisa yawe na kathihi; nga ndila ye a dzhena kha Adamu na Efa, u dzhena khavho ḥamusi. Mulandu? Nga u lingedza u ḥatisana Nalo. "Zwino, zwi a pfala uri Mudzimu a nga si ite. Oo, Mudzimu o ri," Saṭhane o ralo, "fhedzi ngangoho Mudzimu mukhethwa a nga si ite hezwi." Ngangoho U do ita, ngauri O amba uri U do ita!

⁹⁷ Huno izwo ndi zwine vhathu vha amba ḥamusi, "Oo, zwino lindelani! A ni tendi zwino, arali ndi tshi ya tshivhidzoni huno nda bvisa zwafumi zwanga, nahone nda ita *hetshi, tshiñwe*, Mudzimu u khou yo imposela fhasi hangei?" Nndani ha musi muthu o bebwa hafhu, a nga si vhuye a pfectesa Muvhuso wa Mudzimu! Ni a vhona? A hu na zwa u dilandula ngazwo! "Zwo luga, mukalaha a ḥungufhadzaho, mukegulu a ḥungufhadzaho, ngoyo myua wavhuđi wa kale." Ndila i yothe ine vha nga vhuya vha vhona Mudzimu, ndi u bebwa hafhu. Ndi zwenezwo fhedzi. A thi londi uri ndi zwiṭuku hani, ndi vha kale hani, ndi vhaswa hani, zwe vha ita, vho ya tshivhidzoni u gumafhi, vha ḥivha dinomineisheni nngana, vho dekesha ndaela u gumafhi. Ni tea u bebwa hafhu kana a ni vhuyi na vha kha mutheo, tsha u thoma. Ndi zwone kokotolo.

⁹⁸ Ngauralo, ni a vhona, ni toda Muendedzi. U do ni endedza kha Ngoho, huno Ngoho ndi Ipfi. U do ni endedza. Huno zwo di ralo tshifhinga tshothe. Mudzimu na kathihi ha tei u shandukisa tshithu, ngauri U a si na magumo nahone U ḥivha zwine zwa vha zwa khwinesa. U hothe-hothe, U ḥivha zwothe, U—U zwothe. Ndi zwone, Mudzimu o ralo, ngauralo Ha tei u shanduka. Zwo luga.

⁹⁹ Ndi Mukhwaṭhisedzi wa ndila ine A ni khada ngayo. Muya Mukhethwa, Muendedzi, ndi Mukhwaṭhisedzi wa lenelo Ipfi line A khou li funza. Zwino, Luka o khadwa nga Muendedzi, u ri, "Iyani shangoni ḥothe, ni rere Mafhungo-madifha kha tshivhumbwa tshiñwe na tshiñwe. Ane a tenda nahone a lovhedzwa u do tshidzwa, ane a sa tende u do laṭwa. Huno izwi zwiga zwi do tevhela vhane vha tenda; Dzinani ḥanga vha do pandela vhodiabolo, vha do amba nga dzindimi ntswa, vha do

takula mañowa, vha ño nwa zwithu zwi vhulayaho, vha vhea zwanda kha vhahoña huno vha ño vha na mutakalo.” Huno Bivhili yo amba zwauri, “Vho ya huñwe na huñwe,” vha tshi khadwa nga Muendedzi, ni a ñivha, “vha rera Ipfi, na zwiga zwi tshi khou tevhela.” Ho vha hu mini? Muendedzi a tshi khou khwañhisedza uri Iyo ndi Ngoho!

¹⁰⁰ Ukwo kwo vha ku kuitele kwa Mudzimu. Kwo vhewa nga ndila yeneyo. Iyo ndi mbekanyamushumo Yawe; A nga si i shandukele, ngauri Ha na magumo. Amene. A nga si i shandukele; ndi Ene Mudzimu. Nñe ndi nga shanduka; ndi muthu. Inwi ni nga shanduka; ni munna kana musadzi. Fhedzi Mudzimu a nga si shanduke. Nñe ndi na magumo; ndi nga ita dzikhakho nahone nda amba zwithu nga ndila yo khakheaho, riñe roñe ri nga ralo. Fhedzi Mudzimu a nga si ralo, huno a vha Mudzimu. Tsheo Yawe ya u thoma ndi yone-yone. Nga ndila ine Mudzimu a shuma vhuponi, iyo ndi yone ndila ine A tea u shuma ngayo tshifhinga tshiñwe na tshiñwe. Arali A tshi vhidzwa vhuponi u tshidza muitazwivhi, U mu tshidza o ima kha muteo wa tshithu tshithihi. Tshifhinga tshi daho muitazwivhi a tshi da, U tea u shuma nga ndila yeneyo, kaná O shuma nga ndila yo khakheaho musi A tshi shuma lwa u thoma. Amene. Ndi a Mu funa. Ndi a ñivha uri ndi Ngoho.

¹⁰¹ Ndi na miñwaha ya mahumi mañanu na miraru, ndi tshi khou rera Mafhundo-madifha fhano lwa miñwaha ya mahumi mararu na miraru na hafu ya ñwaha, a thi athu li vhona li tshi kundelwa na kathihi. Ndo no li vhona li tshi lingululwa kasumbe u mona na shango, kha tshaka dzothé dza vhurereli na tshiñwe na tshiñwe-vho, phanda ha vhanzhi vha no swika hafu ya milionti nga tshifhinga tshithihi, huno na kathihi a li athu kundelwa. A thi ambi zwi tshi bva kha iñwe bugu, ndi amba zwi tshi bva kha tshenzhembo yanga, ine nda ñivha uri Mudzimu u ima murahu ha Ipfi lawe nahone u a li hulisa. Zwino, arali ni na luñwe lushaka lwa ndaela, ndi khwine ni tshi lu ñhogomela. Fhedzi Muya Mukhethwa u ño tikedza Ipfi la Mudzimu.

¹⁰² Kha Yohane Mukhethwa, ndima ya 1 na ndimana ya 1, o ri, “Ndi Ene Ipfi. Ndi Ene Muendedzi. U rangani Ipfi o vha e hone, Ipfi o vha e na Mudzimu, huno Ipfi o vha e Mudzimu. Huno Ipfi a itwa ñama nahone a dzula vhukati hashu.” Nñenñe!

¹⁰³ Petro o khadea u amba, kha Mishumo 2:38, ndila ya u ñanganedza Muya Mukhethwa, a ri, “Shandukani, noñhe, ni mbo di lovhedzwa Dzinani la Yesu Kristo u itela khangwelo ya zwivhi zwanu, huno zwenezwo Muendedzi u ño ni dzhia u bva heneñho.” Iina, itsho ndi tshone tsho teaho u itwa. Tsha u thoma, shandukani zwivhini zwanu, u sa tenda hanu, zwe na sa tende hezwi zwithu. Shandukani, huno ni mbo di lovhedzwa, huno zwenezwo Muendedzi u ño ni dzhia u bva heneñho. Ni a vhona, uyo ndi mushumo wanu. Ndi mushumo wanu u shanduka. Ndi mushumo wanu u lovhedzwa. Zwenezwo ndi mushumo wa

Muendedzi u ni dzhia u bva heneffo, u ni khada u bva kha maanda u ya kha u ḋivha, u ya kha u ḋilisa, u ya kha u sa fhela mbilu, u ya kha u ofha Mudzimu, na kha u funa vharathu, huno Muya Mukhethwa u a ni swaya. Ni a vhona? Zwenezwo ni tshiimo tsho fhelelaho tsha Mudzimu, munna vhukuma wa Mudzimu, musadzi vhukuma wa Mudzimu, o kungelelwaho kha Kristo. Ndi a hu funa, uho u kungelelwaho kha Kristo.

¹⁰⁴ Iina, Marko o khadwa nga Muya Mukhethwa, u ḋwala Marko 16, ndi zwone.

¹⁰⁵ Yohane o khadwa musi a tshi ḋwala Dzinzumbululo. O khadwa nga Muendedzi. Nahone o khadwa nga Muendedzi u ri, “Ane a do bvisa Ipfi lithihi Khało, kana a engedza ipfi lithihi Khało, zwo raloho zwi do dzhiwa, mukovhe wawe, kha Bugu ya Vhutshilo.”

¹⁰⁶ Zwino, ni khou yo vhea hani tshiñwe tshithu vhudzuloni ha Ipfi la Mudzimu, huno na ḋi ri ni khadwa nga Muya Mukhethwa? A zwi pfali, zwi ralo? Hai, muñe wanga. A zwi ralo.

¹⁰⁷ O vha Muendedzi wanga vhutshiloni. O nnyendedza kha Vhutshilo. O vha Ene we a nkhadela kha Vhutshilo, huno ndi Ene Vhutshilo hanga. Nga nnnda ha Ene a thi na Vhutshilo. Nga nnnda ha Ene a thi ṭodi tshiñwe tshithu. Ndi Ene Zwothe-kha-Zwothe tshothe wanga. Zwifhingani zwa khakhathi yanga, U a mpfarisa. Mulovha O mphatħutshedza, ɻamusi vho ita zwenezwo zwithihi. Ndi nga lavhelela mini? Zwenezwo zwithihi u ya lini na lini, rendani Dzina lawe! Amene. Ee, muñe wanga. O zwi fulufhedzisa. U do zwi ita. Ndi Ene Vhutshilo hanga, ndi Ene Muendedzi wanga, Zwothe-kha-Zwothe. Ndo Mu fulufhela. Ndo no vha na miñwe milingo i kondaho. Ndi a Mu fulufhela huñwe na huñwe hune nda ya. Ndi ṭoda inwi ni tshi zwi ita. Arali ni tshi ya u ḫamba, vhoiñwi vhasadzi, Mu fulufheleni. Arali ni tshi ya sentharani ya bindu, Mu fulufheleni.

¹⁰⁸ Nga tshiñwe tshifhinga ndo swika he nda elekanya uri ndo vha munna wa ḫakani wavhuđi, ni a ḋivha, o zwimaho nga maanda. Nda elekanya, “Ndi tou vha ane a lwa na u kundelwa, a hu na ane a khou yo... Ndo vha ndi si nga ni xeleti. Mme anga vho vha vhe hafu Muindia, huno izwo ndo zwi funa. Yawee, nñenñe! Ndi nga si ni xelete maᬁakani, ndi ḋivha hune nda vha hone.”

¹⁰⁹ Huno u bva kha holodei ya vhafunani yanga, ndo sokou fhura mufumakadzi zwiᬁukunyana, nda ri khae, “Ni a ḋivha, mufunwa, zwi do vha zwavhuđi kha riñe u malana nga la fumbiliraru la Tshimedzi.” Zwo tou ralo, uyo ndi musi we Murena a mmbudza uri ndi zwi ite.

¹¹⁰ Huno ndo elekanya, “Zwino, u itela holodei ḫukhu ya vhafunani, ndo vhulunga tshelede yanga, huno ndi do mu issa ngei Maguvhukuvhuni a Niagara, huno nda ya Adirondack nda zwimanyana.” Ni a vhona? Ngauralo nda mu dzhia na Billy, o

vha a tshi tou vha tshithu tshiṭukunyana. Ngauralo ndo do tea u ya nae kha holodei ya vhafunani, huno yo vha i kha lwendo lwa u yo zwima, na lwone-vho, ni a ḋivha. Ngauralo—ngauralo ndo elekanya zwauri izwo zwi ḫo vha zwavhuđi u zwi ita. Ngauralo nda mu dzhia, huno . . .

¹¹¹ Ndo ḫwalela Vho-Denton, rabulasi. Huno ro vha ri tshi khou gonya Thavha ya Hurricane. Huno nda ri, “Vho-Denton, ndi khou da n̄tha, ndi ḫodou zwima tshivhingwi na vhone luno luṭavula.”

¹¹² Huno vha ri, “Ho luga, Billy, gonyani.” Ngauralo a ri, “Ndi ḫo vha n̄tha hangei nga datumu nkene-kene.” Zwo ralo, n̄ne na mufumakadzi ra ya henengei hu tshee ho sala ḫuvha, na Billy, huno ngauralo zhazha ḫo vha ḫo honiwa. Ho vha hu na tshifhađo tshiṭuku murahu n̄tha ha dzithanda.

¹¹³ He, Murathu Fred Sothmann na nne ra ya hu si kale huno ra ima henengei. Muya Mukhethwa, nda Mu vhona o ima henengei, itsho Tshedza tsha tshitopana tshi tshi khou mona tshiṭakani, na Fred o ima heneħħala. A ri, “Bvelani thungo, Ndi ḫodou amba na inwi. Matshelo,” a ri, “ni ḫogomele, vho ni reela tshikwekwe.” A ri, “dilugiseleni!” Naa ndi zwone, Murathu Fred? Huno nda tuwa nahone nda vhudza mađana a vhatħu vhusiku uvho, hangei Vermont, nda ri “Vho ntħeela tshikwekwe; ndi khou yo tshi vhona. A thi ḋivhi hune tsha vha hone.” Huno vhusiku honoho vhu tevhelaho, khetsho tshi a da, ngetsho tsho da. Ha pfi, “Ngetshi tshikwekwe tsho rewaho.” Ee, muñe wanga. Fhedzi Muya Mukhethwa o nkhadela kha zwine nda tea u ita. Huno, yawee, nñenñe, hezwo zwo vha zwi tshi tou vha zwone! Oo, vhunzhi hanu ni a ḋivha zwe zwa vha zwi zwone. A thi na tshifhinga tsha u zwi amba.

¹¹⁴ Fhedzi ndo ima heneħħala fhethu fħala nga itsho tshifhinga, ha sokou thoma u rothola iļo ḫuvha. Vho-Denton vho vha tshi khou da ḫuvha li tevhelaho, nda ri, “Ni a ḋivha, mufunwa, zwi ḫo vha zwavhuđi arali ndo wana n—ntsa khulu ine nda ḫo ya nayo hayani.” Nda ri, “Ro ita . . . Ndo do tea u vhulunga haya mapeni, nahone ri kha di bva u malana.” Huno nda ri, “Ri ḫo wana ɣama yashu ya vhuriha arali nda zwimanyana ɣamusi.”

¹¹⁵ Huno a ri, “Zwo luga, iyani phanda, Billy.” A ri, “Zwino, ni a elelwa, na kathihi a thi athu vha maṭakani haya,” a ralo. O vha e maela dzi no ḫodou swika fumbilithanu n̄tha dzithavhani, ni a ḋivha, nahone a ri, “A thi ḋivhi tshithu nga ha hezwi.” Huno a ri, “Ngauralo ndi . . .”

¹¹⁶ Nda ri, “Zwo luga, zwino, ni a elelwa, ho vha hu miñwaha mivhili yo fhiraho he nda vhulaha izwo zwivhingwi zwiraru. Afho ho vha hu murahurahu nga n̄tha ha thavha nga hangei.” Huno nda ri, “Zwino, ndi ḫo wana ntsa khulu nahone ri ḫo wana na tshivhingwi,” nahone nda ri, “ri ḫo vhulunga ɣama yashu ya vhuriha.” Zwo luga, hezwo zwi pfala zwi zwavhuđi nga

maanda, ni a divha. (Huno ra fula dzithungulu, nahone ra wana malasha ashu a uvho—a uvho vhuriha; huno ngauralo Billy a mbo dzi rengisa, huno nne na Meda ra dici fula nga madekwana nga murahu ha musi ndo wana vhuawelo ha u linda hanga.) Ngauralo zwenezwo nda—nda ri, “Ndi zwone, ndi khou yo doba tshigidi tshanga, ndi khou tsa hafha.” Nda ri, “Hu na nyala nnzhi ngomu hafha, ndi do wana iñwe.” Huno nda ri, “Ni a divha,” nda ri, “ndi do mbo di i wana.” Huno nda ri, “Ri do . . . Ndi do vhuya nga murahu ha tshifhinganyana.”

A ri, “Ho luga.”

¹¹⁷ Ngauralo, ndi tshi ṭuwa, yo vha i tshi tou vha fhasi. Huno muñwe na muñwe wa vhoiñwi vhathe vha New Hampshire, na ngomu afho ntha kha la New England, u a divha zwine zwa vha zwone musi iyo khuli i tshi tsa, kana huñwe na huñwe-vho dzithavhani, hune ni sa divhe uri ni ngafhi. Ndi zwenezwo fhedzi. A ni koni u vhona tshanda tshanu phanda hanu. Ngauralo zwenezwo nda thoma u tsa nga ku—kutanda, kwo raloho, nda tsa, huno nda pfuka muvhundu nahone nda gonya. Huno nda vhona didinngwe, zwine na do li vhidza zwone fhano kha itsi tshipida tsha shango. Vhukovhela, ri li vhidza, lugweluñofu. Ntha hangei, vha lu vhidza, ndau ya thavha. Ndi yeneyo phukha. Ndi phuma, zwa vhukuma zwine ya vha zwone. Tshimange tshenetsho, tshi no ṭodou vha ḥnayo dza tahe nga vhulapfu, tshileme tshi no ṭodou vha ḥana na mahumi mañanu, madana mavhili a dziphauñdu. Tsho pfuka ndila, huno nda dzhia tshigidi ndi sa iti phosho nga u ḥavhanyedza vhukuma, hu si nga u ḥavhanya lwo eðanaho u tshi thuntsha.

¹¹⁸ Zwo ralo, nda redzemuwa ntha ha ndunduma, ndi tshi khou pandamedza holu lugweluñofu, ndi tshi khou sedza mañari he lwa vha lwo no fhira, ni a divha. Ndo kona u lu pfa. Lwo vha lu na milenzhe miñā. Ndo divha uri lwo vha lu si phukha ya milenzhe mivhili, milenzhe yalwo miñā. Huno ndo divha uri lwo vha lu si nyala, ngauri nyala i ita mutsindo. Huno lwo vha lu tshi redzemuwa nga ndila i leluwaho vhukuma, tshimange, ni a divha, nga u ralo. Huno tshivhingwi tshi kungulusa milenzhe yatsho musi tshi tshi tshimbila. Huno ngauralo ndo zwi divha uri lu fanela u vha lu lugweluñofu. Huno lwo vha lu murahu ha danda nda si lu vhone, u swikela ndi tshi lu vhonanyana, lwa vha lwo ṭuwa.

¹¹⁹ Huno nda sedza he lwa thithisa mañari, ni a divha, nga ntha ha ḥodzi ya thavha, na fhasi nga u rali, huno ndo vha ndi sa khou sedza ilo gole li tshi khou ña tshifhinga tshoñhe, ni a divha, li tshi tsela fhasi ha khuli. Nda redzemewela fhasi, nda tsa vhukati ha govha lìhulu nahone nda bva nda dzhena Giants, ndi tshi khou tevhela holu lugweluñofu. Nda elekanya, “Ndi do lu fasha nga murahu ha tshifhinga.” Nda vhona fhethu, huno nda gidima ntha ha tshikwara, huno nda sedza u mona hoñhe nga u rali, nahone nda ḥolela u mona hoñhe, nda vhona arali ndi tshi nga lu vhone;

nda thetshela zwavhuđi, nahone nda tsa, nda redzemuwela fhasi hafhu. No vha ni tshi nga pfa tshițaka tshi tshi vundea, tshikhalyana phanda hanga, lu tshi bvela nnnda. Ni a vhona, lwo vha lu tshi khou kuda miri u itela uri ndi songo londa vhuđala halwo. Ni a vhona, lwa thoma zwa tshidele, lwa namela miri nahone lu tshi fhufha u bva kha muri u ya kha muri. Zwenezwo lwo divha uri ndo vha ndi si nga londi vhuđala halwo heneffo. Oo, nda elekanya, “Oo, naho zwo ralo!”

¹²⁰ Nda humela n̄tha ha govha, huno nda pfa munukho wa tshivhingwi, tshivhingwi tsha kale tsha tshiduna. Nda elekanya, “Ndi do tshi wana zwino, mutukana, ndi zwavhuđi!” Nda pfa munukho hafhu, huno nda bvela phanđanyana, nahone nda sedza tshaka dzođe dza zwiga na tshinwe na tshinwe. A tho ngo vhona na tshithu; nda humela murahu fhasi, nahone nda humela murahu kha lunwe lurumbu lwa thavha. Huno zwenezwo nda thoma u dzhieila nzhele, hu tshi khou vha na khulinyana. Huno nda pfa munukho hafhu, tsho vha tshi tuyani huniwe fhethu. Nda ri, “Hai. Zwino, ho bvelelani, maya wo vha u tshi khou da thungo *ino*, huno ndi da . . . Munukho wa tshivhingwi u bva kha heyi wa tsa nga thungo *iyo*, huno ndo no buđa-buđa u mona hođhe zwino nahone maya u khou bva kha ili linwe sia. Ngauralo nda tea u humela he nda pfa munukho wa tshivhingwi lwa u thoma, huno nda thoma heneffo.”

¹²¹ Huno ndilani yanga ya u vhuya, nda sedza seli ha govha, nda vhona zwițaka zwi tshi dzinginya. Huno musi ndo no ralo, tshinwe tshithu tshitswu tsha tsukunyea. Nda elekanya, “Ngetshilaa.” Nda posela gulu ngomu ha tshigidi, nga u ḥavhanya vhukuma, nahone nda ima nda si tsukunyee. Huno, musi yo ita, yo vha i ntsa khulu-khulu, yone khulu-khulu. Nda elekanya, “Heyo i tou vha ye nda vha ndi tshi khou ḥoda, naho zwo ralo.” Nda thuntha ntsa.

¹²² Nda elekanya, “Zwo luga!” Na kathihi a tho ngo zwi dzhieila nzhele uri yo vha i lushaka lwa . . . Tshifhinga tshe nda shumana nayo, tsho vhonala . . . Ndo ḥamba zwanda zwanga nahone nda ganedza lufhangi lwanga, nda lu vhuyedzedza murahu. Huno nda elekanya, “Rendani Mudzimu! Ndi a U livhuwa, Murena Yesu, Wo nneä nama yanga ya vhuriha. Thendo kha Mudzimu!” Huno nda dzhia tshigidi tshanga. Nda elekanya, “Ndi do ya henengei murahu nga govha hafha zwino.” Nda ri, “Vhona hafha, mutukana, ḥumbu li khou da. Ndi khwine ndi tshi bva hafha huno nda humela kha Meda na vhañwe.” Nda ri, “Ndi tea u ḥavhanyedza.”

¹²³ Nda gonyela govhani, nda gunubulula badzhi yanga khulu tswuku, huno ndo vha ndi tshi khou gidimela govhani nga u tou rali, fhano na fhaļa. Tshithu tsha u thoma ni a divha, ndo elekanya, “Nnenne, ndo khona ngafhi?” Muya wo vha wo no di dzika, miri yo welana. Nda elekanya, “Ndo khona ngafhi?” Nda mona hođhe. Ndo—ndo divha uri ndo livha tshođhe ngei kha

Thavha ya Hurricane. Fhedzi ndo swika he nda ima, nahone ndi tshi bva biko, nda elekanya, "Ndi tshini tshi siho ngonani? Ndo vha ndo ṭuwa lwa hafu ya awara, kana kotara tharu, huno a thi wani afho fhethu he nda khona." Nda sedza n̄tha, huno nyala yanga ngeyo yo nembelela. Ndo vha ndi tshi tou vha heneffho fhethu. Nda elekanya, "Zwo luga, ndo ita mini?"

¹²⁴ Ndi zwone, ndo dovha nda takutshedza. Nda elekanya, "Ndi do zwi kona nga tshino tshifhinga, ndo tou vha ndi sa khou zwi dzhiela nzhele." Ndo sedza tshiñwe na tshiñwe tshiṭuku tshe tsha vha tshi tshi khou itea huñwe na huñwe, ndi tshi khou sedza. Nda dzulela u ḥoda, u ḥoda, u ḥoda. Makole one a tshi khou da, ndi a divha uri ḫumbu ḥa mahada lo vha li ndilani, khuli yo tsela phasi, huno zwenezwo nda thoma u dzhiela nzhele. Nda elekanya, "Ndi do ya phandanyana," nda bvela phanda, phanda, phanda, phanda, phanda, phanda, phanda. Huno nda elekanya, "Ndi zwone, hezwi ndi zwisili, zwi tou nga ndo no vhuya nda huvhona hafha fhethu." Huno nda sedza, huno nyala yanga ngeyo yo nembelela. Ni a vhona?

¹²⁵ Ni a divha zwe nda vha ndi khazwo? Vhaindia vha zwi vhidza "mutshimbilo wa lufu." Ni a vhona, ni khou tshimbila nga kha tshitendeledzi, u mona na u mona thungo dzothe. Ndi zwone, ndo elekanya uri ndi muendeddzi wavhudisa ane a nga si vhe a xela. Ni a vhona, a hu na tshe tsha do tea u mmbudza maṭakani, ndo divha ndila yanga u mona hothe. Ni a vhona?

¹²⁶ Huno nda dovha nda takutshedza. Nda ri, "Ndi nga si ite iy i khakho." Huno ndi dovha nda vhuya.

¹²⁷ Ndo gonya govha lwa tshipiḍa tshiṭuku, nga itscho tshifhinga lo vha lo no thoma u vhudzula. Yawee, nñenñe, mahada huñwe na huñwe! Hu tshi ḫodou swifhala. Huno ndo divha uri Meda u do fa vhusiku honoho sogani, ho ngo divha uri u tea u dilondota hani. Huno Billy o vha e na miñwaha i no ḫodou swika miña, miñwaha miraru, a tshi tou vha tshithu tshiṭukuṭuku. Huno nda elekanya, "Vha do ita mini?" Ndi zwone, ndo tshimbila u swika hafha huno nda wana puloto ya lukalwe, nda elekanya, "Ndo kundelwa huñwe fhethu, nahone a thi vhoni tshithu, hu na khuli hothe." Ndo vha ndi tshi khou mona-mona zwino.

¹²⁸ Nga ndowelo, ndo vha ndi tshi do vha ndo diwanelia fhethu nahone nda hu dzhia, arali ndo vha ndi na muñwe. Ndo vha ndi tshi do u dzhia nahone nda lindela u swikela ḫumbu lo no fhira, duvha lithihi kana mavhili, huno nda bva. Nda tshea tshipiḍa tshanga tsha nyala... muṭanani wanga, huno nda dzhena, nda la, nahone nda hangwa nga hazwo. Fhedzi izwo ni nga si zwi ite, huno mufumakadzi wañu na lushie vho lala hangei maṭakani, vha tshi khou lovha. Ni a vhona?

¹²⁹ Ngauralo nda thoma u elekanya, "Ndi nga ita mini?" Ngauralo nda ya phandanyana. Huno nda elekanya, "Zwino, lindelani. Musi ndo pfuka liña govha ḥa u thoma, muya wo vha wo

livhana na nne, ngauralo ndi fanela u vha ndo da thungo heyi. Ndi tea u da thungo heyi.” Huno ndo tekateka fhasi-fhasi Giants, fhedzi a tho ngo divha he nda vha ndi hone. Nda ri, “Oho!” Ndi thoma u vha na mazhuluzhulu. Huno nda elekanya, “Lindelani lwa tshifhinganyana, Bill, a no ngo xela,” ndi tshi khou lingedza u difhura. Ni nga si zwi fhure. Hai, hai. Ulwo luvalo lwa nga ngomu lu a ni vhudza uri no khakha.

¹³⁰ Oo, ni—ni lingedza u ri, “Oo, ndo tshidzwa, ndi ya tshivhidzoni.” Ni songo vhilaela, ni lindele u swikela vhulalo ha lufu vhu tshi da, huno ni do divha uri two fhambana. Luvalo lwanu lu a ni vhudza. Tshiñwe tshithu ngomu hanu tshi ni vhudza uri no khakha. Ni a vhona? Ni a divha uri arali no vha ni tshi nga fa no vha ni si nga ḥangani na Mudzimu mukhethwa. Sa izwo ro Mu vhona vhusiku ho fhiraho, na Vharuñwa vhakhethwa vha tea u fukedza zwifhatuwo zwavho uri vha ime phanda Hawe. Naa ni khou yo ima hani nga nn̄da ha u fukedzwa nga Malofha a Yesu Kristo?

¹³¹ Nda elekanya, “Oo, ndi do vuledza.” Nda takutshedza. Huno nda wana uri ndo dzulela u pfa Tshiñwe. Nda mbo vha na mazhuluzhulu. Huno nda elekanya, “Zwino, arali nda ita izwo, ndi khou yo kundelwa u dilanga.” Kanzhi-kanzhi hezwo ndi zwine munna o xelaho a ita, u kundelwa u dilanga maṭakan. U do mbo di dzhia tshigidi tshawe, a dithuntsha; kana a wela museleni huno a vunda mulenzhe wawe, huno heneffo o lala, u do fela heneffo. Ngauralo nda elekanya, “Ndi khou yo itani?” Ngauralo nda thoma u bvela phanda na u tshimbila.

¹³² Huno nda dzulela u pfa Tshiñwe tshi tshi ri, “Ndi yone Pfariso i re hone tshifhingani tsha khombo.” Nda sokou bvela phanda na u tshimbila.

¹³³ Nda elekanya, “Zwino, ndi a divha uri ndi khou xeletwanyana nga ḥalukanyo zwino, ndi khou pfa ipfi li tshi amba na nne.” Nda isa phanda na u tshimbila. Nda tshimbila, “whew, whew, whew,” ndi tshi khou lidza mulodzi, ni a divha. Nda elekanya, “Zwino, a tho ngo xela. Ni a divha hune na vha hone, mutukana! Mulandu ndi mini nga ha inwi? Ni nga si xele. Ni—ni muzwimi wavhudisa, ni nga si xele.” Udihudza, ni a divha, ndi tshi diita uri ndi nambe ndo difhura.

¹³⁴ Ni nga si zwi fhure. Fhasi-fhasi *hafha* hu na linga liṭuku li no khou mona, li tshi ri, “Mutukana, wo xela nahone u a zwi divha uri wo ralo. Ú a vhona, wo xela.”

¹³⁵ Nda bvela phanda na u tshimbila. “Oo, a tho ngo xela! Ndi do luga tshothe. Ndi do wana ndila yanga ya u ponya.” Zwithu zwi thoma u vhonala zwi zwisili, mimuya i tsini. Mahada a thoma u fhufha, mahada maṭuku a no nga thoro dza tshikoli dzo sindiwa, ri zwi vhidza “u pfela fhasi.” Nda elekanya, “Mufumakadzi na nwana! A thi . . .” Nda elekanya, “Yawee, nn̄nenñe!”

¹³⁶ Nga u ḥavhanyedza Ilo nda dovha nda li pfa, la ri, “Ndi yone Pfariso i re hone tshifhingani tsha khombo.” Huno nga itsho tshifhinga ndo vha ndi mushumeli wa Mafhungo-madifha, ndi tshi khou rera henehfano thaberenakeleṇi.

¹³⁷ Ngauralo nda elekanya, “Ndi zwone, ndi nga itani?” Nda ima, nda sedza huńwe na huńwe, huno ho vha ho no vha na khuli fhasi zwino. Nda . . . Hezwo zwo vha zwi zwone. Nga itsho tshifhinga a hu na tshe tsha vha tshi tshi nga itwa. Nda elekanya, “Oo, ndi nga ita mini?” Nda elekanya, “Mune wanga, a tho ngo tea u tshila, ndo vha na vhūđifulufheli ho kalulesaho. Ndo elekanya uri ndi muzwimi, fhedzi a thi ene.”

¹³⁸ Huno, murathu, ndo Mu fulufhela tshifhinga tshothe. U thuntsha, ndi na dzirekhodo n̄tha hangei. Nahone murei, ndi uyo a nyadziseaho, fhedzi tshifhinga tshothe ndo Mu fulufhela. Mithuntsho, ndi muthuntshi a nyadziseaho, fhedzi O ntendela u ita rekhodo dza shango ngaho. Ni a vhona? Ndi thuntsha nyala, sumbe, dzharaṭa dza mađana a malo. Ndi na tshigidi n̄tha hangei ndo vhulaha masambi a mahumi mararu na mađanu a phukha ndi sa humpi shotho khao. Hezwo itonu zwi vhala huńwe na huńwe, arali ni tshi nga kona. Ni a vhona? A si n̄ne, ndi Ene. Ndo Mu fulufhela.

Henehfho he nda vha ndi hone, nda elekanya, “Ndi nga ita mini? Ndi nga ita mini?”

¹³⁹ Nda dzulela . . . Ilo li tshi khou da tsininyana, tsininyana, “Ndi yone Pfariso i re hone tshifhingani tsha khombo, yone Pfariso i re hone.”

¹⁴⁰ Nda elekanya, “Naa uyo ndi Mudzimu a no khou amba na n̄ne?” Nda bvula muňadzi wanga. Ndo vha ndi na muňadzi wanga wa u linda, wo pombwa nga sagaduku tshitswuku. Nda u vhea fhasi. Nda bvula badzhi yanga, yo vha i n̄nu. Huno nda vhea badzhi yanga fhasi, nda tika tshigidi tshanga nga thungo ha muri. Nda ri, “Khotsi wa Tađulu, zwino ndi khou thoma u sa dipfesesa, ndi pfa ipfi li tshi amba na n̄ne. Naa ndi Iwe?” Nda ri, “Murena, ndi khou yo tenda kha Iwe zwauri a thi muzwimi. A thi, a—a thi wani ndila yanga. U tea u nthusa. A tho ngo tea u tshila, nahone ndi tshi ita zwithu zwe nda zwi ita, ndi tshi da ngomu hafha nahone ndi tshi elekanya uri ndo ḫivha zwinzhisa nga hazwo lune ndi sa do vhuya nda xela. Ndi a U ḫoda, Murena. Mufumakadzi wanga ndi musadzi wavyhudi. Lushie lwanga, mutukana wanga muťuku, mme awe o no ḫuwa, huno u khou lingedza u vha mme khae, huno ndi kha di bva u mu mala. Huno ngoyu hafha, ḫwana, afho mađakani, vhuvhili havho vha do fa madekwana ano. Muya uyo, u do tsa u ḫodou swika fumi fhasi ha pumu, huno a vha nga do ḫivha uri vha tea u tshila hani. Vha do fa madekwana ano. U songo vha litsha vha fa, Mudzimu. Nyise khavho, uri ndi vhone uri a vha fi. Ndo xela! Ndo xela, Mudzimu! A—a thi wani ndila yanga. Naa U nga si nthuse? Huno

nkhangwele, u tshi itela ndila yanga ya vhunne! A thi koni u ita tshithu ndi si na Iwe, U Muendedzi wanga. Nthuse, Murena.”

¹⁴¹ Nda takuwa, huno nda ri, “Amene.” Nda doba sagaduku tshanga; badzhi yanga, nda i doba; nda dovha nda ambara muñadzi wanga; nda doba tshigidi tshanga. Nda ri, “Zwino ndi do didzhenisa kha ndila yone ya khwinesa ine nda i divha ya uri hu tshimbilwa hani, yone ya khwinesa u ya nga u pvesesa hanga; huno ndi do livha thungo nthihi, ngauri ndi khou tshimbila u mona na tshitendeledzi huñwe fhethu, a thi diyhi uri ngafhi. Fhedzi ndi do ṭuwa nga ndila ine Wa mmbudza, Murena Mudzimu, Muendedzi wanga.”

¹⁴² Nda thoma u tshimbilela thungo *heyi*. Nda ri, “Heyi ndi yone, huno ndi tea u diita uri ndi i tende. Ndi khou ya thungo *heyi*. Ndi khou livha thungo *heyi*. A thi khou yo pambuwa, ndi khou ya thungo *heyi*. Ndi a divha uri ndi kha ngoho. Ndi khou ya thungo *heyi*.” Arali ndo vha ndi tshi do vha ndo ya thungo holwo, ndo vha ndi tshi do fhirela Canada. Ni a vhona?

¹⁴³ Nga tshifhinga tshenetsho nda pfa Tshiñwe tshi tshi nkwama kha shada ḥanga, tshanda, tsha pfala unga tshanda tsha muthu, nga u ḥavhanya lwe nda rembuluwa uri ndi sedze. Ho vha hu si na muthu o imaho henehfo. Nda elekanya, “Ho vha hu mini?” Bivhili ngeyi phanda hanga. Mudzimu, Muendedzi na Muhatuli wanga, o ima hafha. Ndo tou sedza n̄tha. Huno murahurahu thungo *heyi*, iyo khuli ya di tou tsha u swikela ndi tshi kona u vhona thawa kha ḥodzi ya Thavha ya Hurricane. Ndi tshi bva khayo, vhukoni hanga ha khwinesa ha u zwima, ndo vha ndi tshi khou ṭuwa khayo, ndi tshi khou lenga vhukuma madekwana ayo. Nda rembuluwa nga u ḥavhanya vhukuma, ndi tshi disumba vhuyo nga ndila *heyi*. Nda fara muñadzi wanga nahone nda imisa zwanda zwanga, nda ri, “Nnyendedze, Mudzimu, U Muendedzi wanga.”

¹⁴⁴ Nda takutshedza. Nda tea u livha dzinngwani na tshiñwe na tshiñwe tshi tshi ya henengei, ngavhuya na ngavhuya. Ho mbo swifhala. Nyala dzo vha dzi tshi khou fhufha phanda hanga, na tshiñwe na tshiñwe. A tho ngo humbula nga ha tshiñwe tshithu nga nn̄da ha u farelela kha ndila nthihi, u swika kha heyi thavha.

¹⁴⁵ Huno ndi a divha uri arali nda swika kha thawa, Vho-Denton na nne... Ndo thusa kha u kokodza thambo tshimedzini itsho. Ro atha lurale lwa luñingo u bva kha Thavha ya Hurricane, ndilani yothe u tsa fhasi u ḥodou swika maela tharu na hafu kana maela n̄na, u swika gammabani. Huno lwo swika kha kudilana, fhedzi, mahada afho n̄tha, no vha ni si nga koni u vhona kudilana. Ni a vhona? Huno muya u tshi khou vhudzula na tshiñwe na tshiñwe, ho vha hu na swiswi na ḥumbu la mahada nahone, zwi tshi khou itea, no vha ni si nga ambi uri ni ngafhi. Zwo ralo, tshithihi fhedzi tshe nda divha u ita, nga murahu ha musi ho no swifhala, nahone ndi songo divha... Ndi a divha

uri ndo vha ndi tshi khou ya thungo nthihi, nahone u swika thavhani. Ngauri ndo vha ndo tea u gonya thavha, huno thawa yo vha i kha ḥodzi ya thavha, nahone ndo no salelwa nga maela dzi no ḥodou swika rathi u swika khayo. Edzonu elekanya, iyo khuli i tshi khou balangana, maela dza rathi, buli ḥihihi fhedzi, u swikela ndi tshi kona u i vhona!

¹⁴⁶ Huno zwenezwo nda—nda hwala tshigidi tshanga nga *hetshi* tshanda, huno nda imisela *hetshi* tshanda n̄tha, ngauri ndo no atha lu—lurale kha miri ngauralo lu tshi tsela phasi, thale dza luṭingo kha zhazha, uri a kone u amba na mufumakadzi wawe, huno zwenezwo a foune e heneffo, e kha thavha. Huno ndo vha ndi tshi khou yo mu thusa u lu tsitsela phasi ulwo luṭavula. Huno tshanda tshanga ndo tshi imisela n̄tha nga ndila *heyi*, ndi tshi ri, “Oo Mudzimu, ntendele u kwama iyo thambo.” Nda tshimbila, huno tshanda tshanga tsha swika hune tsha vhavha nga maanda, tsha neta, lwe nda vha ndi sa koni u tshi takula na kathihi, huno nda tea u tshi tsitsela phasi. Huno nda sudzulusa tshigidi nahone nda tshi dzhenisa ngomu kha *itsho*; nda ya murahu nga maga mavhili u itela uri ndi vhe na ngoho ya uri a thi i humpi, nda mbo imisela tshanda tshanga n̄tha, nda thoma u tshimbila, u tshimbila. Tshifhinga tshi tshi khou ṭuwa, ho swifhala, muya u tshi khou vhudzula. Oo, nda fara davhi, nda ri, “Holwo ndi lwone! Hai, holwo a si lwone.” Oo, li nea . . . Ni songo li tendela u ḥea mubvumo u timatimisaho.

¹⁴⁷ Nga murahu ha tshifhinga, musi ndo no vha tsini na u nyama, tshanda tshanga tsha swikelela tshiñwe tshithu. Yawee, nnenne! Ndo wanwa, musi ndo xela. Nda farelela kha ulwo lurale. Nda posela tshigidi phasi, nda bvisa muṇadzi wanga thohoni yanga, huno nda ima heneffo. Nda ri, “Oo Mudzimu, ndi vhudipfi-de u wanwa, musi wo xela.” Nda ri, “U swika magumoni a luno lurale, na kathihi a thi nga lu litshi. Ndi do farelela kha luno lurale. Lu do nnyendedza u livha hune zweṭhe zwi re kha ili lifhasi zwi funwaho nga nne zwa vha hone, heneffo. Mufumakadži na lushie lwanga, vho hanganea, vha sa ḫivhi hune nda vha hone, vha sa ḫivhi na u vhasa mulilo, vha sa ḫivhi zwine vha tea u ita, na mimuya i tshi vhudzula, na matavhi a tshi vundekana nahone a tshi wa kha miri.” Nda si tee u litshedza ulwo lurale. Nda fara ulwo lurale u swikela lu tshi nnyendedzela ngomu heneffo he zweṭhe zwe zwa vha zwi tshi funwa nga n̄ne kha lifhasi zwa vha zwi hone.

¹⁴⁸ Iyo yo vha i tshenzhemo yo vhifhaho, nahone tshenzhemo khulwane ya u wana ndila yanga ya u bva, fhedzi iyo yo vha i si hafu yayo. Ḫiñwe ḫuvha ndo vha ndo xela tshivhini. Nda bva kha tshivhidzo nda ya kha tshiñwe, ndi tshi khou lingedza u wana Tshiñwe. Nda ya kha Masavhatha, vha mmbudza, “Vhulunga Savhatha, u litshe u ḥa ḥama.” Nda ya kha tshivhidzo tsha Baphuthisi, tshivhidzo tsha Baphuthisi tsha u thoma, a ri, “Itou takuwa huno u vha vhudze uri u tenda Yesu Kristo Murwa wa

Mudzimu, huno ndi do u lovhedza, ndi zwenezwo.” Ho vha hu si na tshithu. Fhedzi linwe duvha, nnnda ngomu ha gushete lituku la malasha, nda imisela zwanda zwanga n̄tha, nda fara Tshiñwe; kana, ndi nga ri, Tshiñwe tsha mpfara. Ho vha hu Thambo Ya Phuluso, Muendedzi. Huno O nkhada nga mbavhalelo u swika hafha, a thi khou yo bvisa tshanda tshanga kha ulwo Lurale. Ndi imisela zwanda zwanga Khae. Litshani dzindaela, dinomineisheni u ita zwiñwe na zwiñwe zwine dza ṭoda, ndo farelela kha Muendedzi. Ngauri zwe the zwa vhuya zwa vha kha lifhasi na zwe the zwi re Tađulu, zwi dzulaho zwi zwi funeaho kha nne, zwi magumoni a heyi Thambo. O nn̄disa nga mbavhalelo u swika hafha, ndi do Mu fulufhela ndilani yothe. “Musi Wone Muya Mukhethwa wo no da, U do ni endedza nahone wa ni khadela kha yothe . . .”

¹⁴⁹ Dzikhonani, Wo nn̄disa hune nda vha hone namusi. Wo nnyita zwine nda vha zwone. Ndi nga U divhadza kha inwi ndo takala. Ndi Wone Muendedzi e ethe ane nda dihva tshiñwe nga hae, wa fhano kha lifhasi kana n̄tha Hangei. Ndi ene Muendedzi wanga musi ndi tshi ya u zwima. Ndi ene Muendedzi wanga musi ndi tshi amba na muñwe muthu. Ndi ene Muendedzi wanga musi ndi tshi rera. Ndi ene Muendedzi wanga musi ndi tshi edela.

¹⁵⁰ Huno musi ndi tshi fa, U do vha o ima mulamboni. U do nnyendedza ndi tshi pfuka ndila. “A thi nga ofhi vhuvhi, ngauri Iwe u na nne. Thonga Yau na mbada Yau, zwi do nkhakhulula nahone zwa nnyendedza ndi tshi pfuka mulambo.”

Kha ri rabele.

¹⁵¹ Khotsi wa Tađulu, ndi livhuwa Muendedzi nga maanda, Uyo Ane a nkhada. Oo, nga zwiñwe zwifhinga, Khotsi, a thi koni u Mu pfa u mona na nne, ndi dzhenwa nga nyofho. Ndi Mu ṭoda tsini hanga ngauri a thi dihvi tshifhinga tshine nda khou yo gidima n̄tha ha mulambo. Ndi Mu ṭoda a tshi vha tsini hanga. U songo vhuya wa n̄tutshela, Murena. A thi koni u amba, a thi koni u rera, a thi koni u zwima maṭakani, a thi koni u rea khovhe kha philiphili, a thi koni u reila modoro wanga, a hu na tshine ndi nga ita ndi si na Iwe. U Muendedzi wanga. Ndo takala hani u amba kha itshi tshivhidzo madekwana ano, nga ndila ye Wa nnyendedza kha izwi zwithu zwe the, nga ndila ye Wa nn̄disa!

¹⁵² Ndo vha ndi tshi khou elekanya linwe duvha; hu sa fhiri miñwaha i si gathi yo fhiraho, ndo ima fhasi hafha tshiñtaratani, huno ngauri muña wanga wo khakha, a hu na we a amba na nne. Ndo vha ndi vhuvhumvuni ha khwerano. A hu na we a vha na ndavha na nne. Who ri, “Khotsi awe ndi mudzumbetshedzi wa halwa.” Huno, Murena, o zwi vhona uri a hu na ane a do amba na nne. Huno ndi funa vhathu. Fhedzi linwe duvha musi ndi tshi fara iyo Thambo! Zwino ndi a elekanya, Murena, ndi tea u n̄enga nahone nda bva nda ya sogani u awela zwiñku. Ndi tshini

tsho zwi itaho? A si vhumuthu, a si pfunzo; a thi na na tshithihi. Fhedzi ho vha hu Iwe, Murena. Iwe, Murena. Wo ntendela ndi tshi swikelela tshipikwa tshanga, wo ntendela u fasha khovhe khulu, ngauri U a divha uri ndo ṭoda u zwi ita. Wo nnea vhokhotsi na vhomme. Wo nnea vharathu na dzikhalaadzi. Wo nnea mutakalo wanga. Wo nnea mufumakadzi. U nnea muṭa. Ü Muendedzi wanga, Murena. Kha ndi fare tshanda Tshau, na kathihi u songo vhuya wa nnditsha. Arali tshinwe tshanda tshi tshi neta, ndi ḍo tou ita uri zwanda zwi sielisane. Nthuse, Murena.

¹⁵³ Huno zwino muñwe na muñwe ngomu hafha nga a farelele kha yeneyo Thambo Ya Phuluso, Murena, Muya Mukhethwa une wa vha Vhutshilo hashu, tshithusedzi tshi neaho Vhutshilo. Huno rothe nga U ri endedzele kha iło Shango la dakalo hangei, hune mathupho a vhutshilo a vha o fhela nahone mushumo washu kha lifhasi wa vha wo vuledzwa, huno zwenezwo hu nga si tsha vha na vhukale, ha si tsha vha na vhathe vha shayaho nungo, ha si tsha dovha ha vha na masiku a netisaho, ha si tsha dovha ha vha na u lila na u rabela, ha si tsha dovha ha vha na mbidzo dza aliṭari, fhedzi ri ḍo vha vhaswa henengei u ya lini na lini, vhulwadze na vhuṭungu a zwi tsha ḍo dovha zwa vha hone. A hu tsha ḍo dovha ha vha na tshivhi, huno ri ḍo tshila kha u luga ha Mudzimu kha zwikhathi zweṭhe zwi no ḍo ḏa, kha Vhutshilo-tshothe vhu sa gumi. Zwi tendele, Khotsi.

¹⁵⁴ Huno zwino, Khotsi, arali hu na muñwe ngomu hafha madekwana ano ane na kathihi a sa athu farelela kha iyo Thambo Ya Phuluso, kha vha I wane zwino. Huno Muya Mukhethwa We wa endedza... Huno ndi nga amba zwi tshi bva mbiluni yanga, na tshanda tshanga tshi kha Ipfi lau, tshifhinga tshothe Wo vha wo lulamaho. Nne ndi a khakha zwifhinga zwinzhi. Fhedzi Wone wo lulama. U tendele u dzula na nne, Murena. Ntendele u dzula Nawo. Huno vhañwe ngomu hafha, vha sa Mu divhi madekwana ano, kha vha fare tshanda Tshawe tshi sa shanduki, uri vha kone u endedzwa.

¹⁵⁵ Huno liñwe duvha ri khou bva ra livha mulamboni. Hu do vha na khuli matsheloni ayo, na one-vho. Lwanzhe lwa kale lu ḍo vha lu tshi khou vhomba, Yorodane wa kale, magabelo a tshi ḫavhanyedza, lufu lu tshi kwanyedzela vhutshilo nnda hashu. Fhedzi, Mudzimu, a—a thi nga ofhi. Ndo li ladza tshifhinga tshilapfu tsho fhiraho. Ndi tou ḫoda u bvula gondolo, sa swole, nda rembuluwa, nda sedza murahu fhasi ndilani u vhona he iyo Thambo ya nnyendedzela hone. Vhonani soga lothe le nda fhira khalo, na vhupo vhuñwe na vhuñwe vhu re na tshene, na thulwi inwe na inwe ya matombo e nda khudzulwa ngao, fhedzi ndo farelela kha Lurale. Sa Iwe wo amba, muñwalazwirendo o ralo, “Vhañwe vho fhira madini, huno vhañwe vho fhira kha midalo, vhañwe vho fhira kha milingo mihulu, fhedzi vhothe vho fhira kha Malofha.” Huno ndi ḫoda u dzhia Heli, Banga la kale hafha, le la ntsireledza ndilani, huno nda li panga mukhwamani

Walo, nda ṭavha mukosi, "Khotsi, rumela gungwa nga ngeno matsheloni ano, ndi khou da ngomu hayani." U do vha hone, Murena. Wo zwi fulufhedzisa. U nga si kundelwe.

¹⁵⁶ Fhaṭutshedza muñwe na muñwe a re hafha zwino. Huno arali vha sa divhi uri vha tea u fara iyi Thambo hani, nahone vha songo vhuya vha I kwama na kathihi, zwanda zwikhethwa kha zwi ye n̄tha zwino, zwanda zwi ḥodaho, zwanda zwi tamaho, huno vha kwame Thambo Ya Phuluso ine ya do vha khadela kha lutamo lwa mbilu yavho, mulalo wo gumaho na pfusho, vhuawelo kha Kristo.

¹⁵⁷ Zwifhaṭuwo zwashu zwo kotama, naa hu do vha na zwanda zwi no do ya n̄tha nahone zwa ri, "Ntendèle. Fara tshanda tshanga"? Oo, Mudzimu a ni fhaṭutshedze.

Musi ndila i tshi thoma u sa takadza, Murena
a takalelwaho, mona-mona tsini,
Musi vhutshilo hanga vhu tsini na u ṭuwa;
Ndi do ima mulamboni, endedza milenzhe
yanga, fara tshanda tshanga,
Dzhia tshanda tshanga, Murena a takalelwaho,
nkhade.

¹⁵⁸ Naa hu do vha na muñwe a no imisa tshanda tshawe, a ri, "Murena, ndi ḥoda u pfa u kwamiwa nga Thambo Ya Phuluso madekwana ano. Ndi ḥodou pfa uri Kristo o nkhangwela zwivhi zwanga, huno ndi ḥodou vha tshivhumbwa tshiswa u bva kha ino awara u ya phanda"? Mudzimu a ni fhaṭutshedze. Naa hu do vha na muñwe a no ri, "Kha ndi U kwame, Murena. Kha ndi ḥixedze"? Mudzimu a ni fhaṭutshedze, khaladzi. "Kha ndi ḥixedze, nahone ndi hu wane, Murena, kha Iwe." Mudzimu a ni fhaṭutshedze. Huno Mudzimu a ni fhaṭutshedze. Ndi zwone. "Kha ndi ḥixedze, Murena. Kha ndi hangwe." Mudzimu a ni fhaṭutshedze, murathu. "Kha ndi . . ." Mudzimu a ni fhaṭutshedze, khaladzi. "Kha ndi tou xedza n̄divho yanga yothe." Mudzimu a ni fhaṭutshedze, khaladzi. Ni songo fulufhela kha zwikimu zwo itwaho nga vhathu. Tevhelani Muendedzi, U do ni endedza kha Ngoho yothe. "Nkhade, Murena Yesu, nkhade." Mudzimu a ni fhaṭutshedze inwi afho murahu. Oo, hu na zwanda zwinzhi zwo yaho n̄tha, zwi ḥodaho tshidzo. Zwino musi ri tshi . . .

¹⁵⁹ Aliṭari hafha, ni nga si vhidze aliṭari, ngauri vhatu vho dzula hothe khayo. Fhedzi U heneffo. Ni divha vhudi na u luga, musi no imisa tshanda tshaṇu, tshinwe tshithu tsho itea mbiluni yanu. Yesu o ri, "Ane a pfa Maipfi Anga nahone a tenda kha O rumaho Nñe, u na Vhutshilo ha lini na lini." No khwathisa? Zwenezwo hu na tivha hafha lo dalaho madi. Hu do vha na tshifhinga tshinzhi tsha ndovhedzo. Kha ri rabele.

¹⁶⁰ Khotsi ashu wa Ṭadulu, uyu Mulaedza muṭuku wo vundekanaho madekwana ano nga ipfi ḥa manzaranzara, Muya

Mukhethwa u fanela u vha wo bva wa ya huñwe. Wo ya he Wa vha u na ndivho, huno hu na vhanzhi, Murena, madekwana ano, vha fumithanu kana fumbili vho imisaho zwanda zwavho, uri vha ṭoda Muendedzi. Vha a ḥalukanya uri vha khou lingedza u difhura. Vha khou lingedza u ri “ndo luga tshothe,” fhedzi fhasi-fhasi vha a divha uri a vho ngo ralo. Huno vha ṭoda u U pfa, Murena. Vha ṭoda Muendedzi. Vha ṭoda u dzhenelela. Na kathihi a u dadzesi tshiṭoko. Vha ṭoda u dzhenelela kha holu lwendo. A vha divhi uri vha nga ḏa hani hangeyo. A hu na a no divha uri u vha isa hani hangeyo; ndi Iwe u Wothe. Vha khou dela Muendedzi o nekedzwaho nga Mudzimu, Muya Mukhethwa. Vho imisa zwanda zwavho.

¹⁶¹ Oo Muya Mukhethwa na Muendedzi, tsela khavho. Hangwela tshivhi tshiñwe na tshiñwe. Farela vhutshinyi havho. Vha dzenise Muvhilini wa Kristo madekwana ano, hune vha nga kona u pfa lutsinga lwa Mudzimu lu tshi elela nga iyo Thambo ine ya do vha khadela Yorodane, na u buḍa Yorodane u ya kha Shango ḥo fulufhedziswaho. Kha vha tevhele vho livha murahu ha Ipfi. Ipfi lo ri, “Shandukani, huno zwenezwo ni lovhedzwe Dzinani ḥa Yesu Kristo.” Vha songo zwi lingedza nga inwe ndila. Kha vha tevhele murahu ha Ipfi, ngauri Uyo ndi Ene a no do endedza. Izwo ndi zwi—izwo ndi zwitepisi zwi no tea u namelwa u swikela ri tshi kona u fara Muendedzi. Zwi tendele, Murena. Kha vha vhe Vhau. Vha zwandani Zwau zwino, sa dzikhaphu, a hu na muthu ane a nga vha ḥomola. Ndi tenda uri U do vha dzhia, sa vhatu vho tshidzwaho. Ndi tenda uri vho imisa zwanda zwavho, vho vha vha tshi do vha vha songo kona u zwi ita nga vhone vhane nn̄dani ha musi Tshiñwe tsho amba navho. Uyo o vha e Iwe, Muya Mukhethwa na Muendedzi.

¹⁶² Vha a vhone uri awara i khou swika magumoni, khuli i khou ḏa kha lifhasi, dzindaela khulu na—na zwithu zwi khou vha na vhuthihi, zwivhidzo zwi khou langana, zwi khou ḥangana. Huno, Oo Mudzimu, nga ndila ine vha khou lingedza u ri, “Vhothe vha re na tshiṭaluli tshi songo ḥoweleaho vha do tea u ḥuwa hafha huno vha ya Alaska.” Huno zwithu hezwi zwithe zwine vha khou shushedza u zwi ita, a si zwiswa kha rine, Muendedzi muhulwane o ri sumbedza zwone ndilani ya Ipfi. Ri khou tou fhira kha itsho tshipiḍa Tshaḥo.

¹⁶³ Khotsi, Mudzimu, Wo amba navho madekwana ano, huno ndi vha ḥea Iwe zwino sa khaphu dza Ipfi. Dzinani ḥa Yesu.

¹⁶⁴ Zwino, zwi re hafha kha desike, Khotsi, ndi zwisagaduku, ndi zwa vhatu vha lwalaho, luñwe lushie luṭuku, khamusi, muñwe mme, muñwe khaladzi, muñwe murathu; na phini ḥukhu dza mavhudzi dzo ḥomelwaho khavho. Huno zwino ndi zwi farela n̄tha tsini hanga. Zwino, ri a funzwa Bivhilini zwauri kha muvhili wa Paulo vho dzhia zwisagaduku na dzifasikoṭi, huno vhatu vha lwalaho vha fholo, mimuya ya tshika ya bva kha vhatu. Zwino ri a ḥalukanya, Murena, uri Paulo o vha e muthu,

o vha a tshi tou vha muthu. Fhedzi ho vha hu ndodzo ya Muya Mukhethwa ye ya vha i khae yo fhaṭutshedzaho zwisagaduku, na lutendo lwe vhathu vha vha vhe nalwo lwa uri o vha e muapostola Wau. Zwino Paulo o no ṭuswa kha riṇe, fhedzi hu si Muendeddzi, U kha di vha fhano. Huno, Mudzimu, ndi rabela uri U fhaṭutshedze izwi zwisagaduku, huno Muendeddzi kha vha khadele fhethu, uvho vhudinekedzeli ho fhelelaho.

¹⁶⁵ Ri a vhudzwa hafhu zwauri musi Israele a tshi khou tevhela Muendeddzi wavho, huno vha da u swika Yorodane, u swika (kha ndi tou ri) kha Lwanzhe Lutswuku. Vhe kati na mushumo vho imiswa, huno Muendeddzi a vha khadela henengyeo. Mini? U sumbedza vhugala Hawe. Huno musi mafulufhelo othe o ṭuwa, Mudzimu a mbo sedza fhasi nga iyo Khavhu ya Mulilo, huno na lwanzhe lwo faho lwa kale lwa dzhenwa nga nyofho nahone lwa humela murahu, huno ha vha na ndila yo itelwaho Israele uri a tshimbile khayo a tshi ya kha shango lo fulufhedziswaho.

¹⁶⁶ Nga ngoho, Murena, U kha di vha Mudzimu onoula. Khamusi avha vhathu ndi Vhakriste, khamusi vha ndilani tshoṭhe ya mushumo, fhedzi vho qiswa ngomu hafha fhethu ho itaho khuda he vhulwadze ha vha thudzela khudani. Sedza fhasi nga Malofha a Yesu madekwana ano, uyo Diabolo u do dzhenwa nga nyofho, u do humela murahu, huno vhana Vhau vha do fhirela kha pfulufhedziso ya mutakalo wavhuđi. Zwi tendele, Khotsi. Ndi a zwi rumela zwi tshi bva kha muvhili wanga zwi tshi ya kha yavho, Dzinani la Yesu Kristo.

¹⁶⁷ Ndi takula hetshi tshivhidzo phanda Hau, nga lutendo ndi a vha dzhia thwii kha alitari ya vhugala ya Mudzimu hangei Tađulu. Kha lutamo luňwe na luňwe lwa vhulwadze, tshiňwe na tshiňwe tshire vha vha natsho tsho khakheaho, tshiňwe na tshiňwe tsho khakheaho matshiloni avho ngafhi na ngafhi, Mudzimu, vha kunakise, vha ite Vhau. Vha fhodze, Khotsi. Huno Maanda e a vusa Yesu tshaloni, kha hanyise mivhili yavho i faho nahone a vha ite tsiko ntswa kha Kristo. Vha nee mutakalo wavhuđi na nungo dza u shumela Iwe.

¹⁶⁸ Nnyelelwé, Oo Murena. Ndi nee mulanda Wau. Nthuse, ndo ima ndi na ḥodea ya thabelo. Huno ndi rabela uri Muya Mukhethwa u ri endedze nahone u ri shumise, huno u ri khade u swikela duvha line ra vhona Yesu Kristo ro livhana zwifhatuwo kha U da Hawe ha vhugala musi ri tshi ṭangana Nae muyani kha U Takulélwa Tađulu. Dzinani la Kristo ri a zwi humbelo. Amene.

Ndi a Mu funa, ndi... (Ni ralo?)
 Ngauri O funa nee u thoma
 Huno o renga u tshidzwa hanga
 Murini wa Khalivari.

¹⁶⁹ Zwino, arali ni sa funani na we na mu vhona, ni khou yo funa hani Uyo We ni si mu vhone? Zwino musi ri tshi imba *Ndi A Mu Funa*, kha ri nee muhura washu khada ya vhukonani ya lufuno.

Ndi a Mu funa, . . .

[Mukomana Branham u khadana na avho vho mu tingeledzaho—Mudz.] Mudzimu a ni fhaṭutshedze, Murathu Neville. [Tshihidzo tshi bvela phanda na u imba.]

Murini wa Khalivari

Zwino kha ri Mu imisele zwanda.

Ndi a Mu funa, ndi a Mu funa
 Ngauri O funa nne u thoma
 Huno o renga u tshidzwa hanga
 Murini wa Khalivari.

¹⁷⁰ U itela luimbo lwavhuđi, ni a takalela u pfa luňwe? Ndi pfesesa uri ri na murangaphanda wa u imbisa wa muevangeli fhano a bvaho Indianapolis. Ndi tenda uri u imba Thaberenakeleni ya Cadle. Naa ndi zwone? Zwo luga, mune wanga. Afho Thaberenakeleni ya Cadle ndi fhethu hawe. Ndi vhngana vha no elelwa E Howard Cadle? Yawee, nnenne! Mudzimu nga awedze mya wawe u takalelwaho. Tshinoni-tsha-u-hoya tsha myani, musadzi we nda funa u pfa a tshi imba, khwine u fhira nnyi na nnyi we nda todou vhuya nda pfa a tshi imba vhutshiloni hanga, o vha e Vho-Mme Cadle, vha tshi khou imba, “Phanda ha musi ni tshi ḥuwa lufherani lwanu matsheloni ano, no humbula u rabela Dzinani la Kristo Mutshidzi washu, sa Tshiṭangu ḥamus?”

¹⁷¹ Henehfo u budekanya tshiṭaraṭa afho nga maňwe matsheloni, mukhukhuni wa kale muťuku wa phera mbili, nda vuwa, nda vha ndi tshi khou yo dzhena nahone nda vhassa mulilo. Tshiṭofu a tsho ngo tenda u duga. Huno ndo lingedza u tshi dugisa, na mya wa tsa, wa tshi vhudzulela khofheni hanga. Huno ho vha hu tshi rothola, nahone ndo vha ndi tsini na u oma. Huno mahađa o vha o dadza hoṭhe fuloroni, nahone nne ndi songo ambara zwienda; ndi tshi khou lingedza u ita uri hētshi tshiṭofu tshiṭuku tsha kale tsha thini tshi duge, hu na phaiphi thukhu ya oveni khatsho. Huno ndo tou . . . Meda na nne ri kha ḅi bva u malana zwiṭukunyana. Huno ndo vha ndi tshi khou lingedza, luhuni lwa kale lwo vha lwo ḥukala huno lwa si tende u duga, huno ndo vha ndo dzula henehfo, nda elekanya, “Yawee, nnenne! Ndi ḅo dovha nda tshi lingedza.” Nda tea u ya mushumoni, nahone ndi tshi khou vhudzula itsho tshiṭofu tsha kale nga u ralo. Huno nda swikelela nahone nda lidza radio, huno a thoma u imba, “Phanda ha musi ni tshi ḥuwa lufherani lwanu matsheloni ano, no humbula u rabela,” nda tou wela phasi fuloroni, “Dzinani la Kristo Mutshidzi washu, sa Tshiṭangu ḥamus?” Oo, ndi funa hani u pfa uyo mufumakadzi!

¹⁷² Musi ndi tshi pfuka mulambo nga tshinwe tshifhinga, ndi tenda uri ndi ḅo pfa Vho-Mme Cadle vho dzula hangei. Ni a divha, tshifhinga tshoṭhe ndo ita ndangano. Kha holu lurumbu lwa mulambo, hu na Muri u no dzula u mudala, ni a divha,

Muri wa Vhutshilo; huno nga hangei kha luñwe lurumbu lwa mulambo, hu na khwairi ya Vharuñwa ine ya imba masiari na vhusiku, ngauri hangei a hu na vhusiku, vha imba masiari oñhe, ni a vhona. Ndi ño diwanela fhethu nahone nda tou dzula murahu nda i thetshelesa. Ndi tenda uri ndi ño pfa Vho-Mme Cadle hangei vha tshi khou imba.

¹⁷³ Mudzimu a fhañtshedze murathu washu. Ndo hangwa dzina lawe. Ndi liphio, murathu? [Murathu u ri, “Ned Woolman.”—Mudz.] Murathu Ned Woolman u ño ni imbela zwino. Murathu Woolman, ri takalela u vha na inwi fhano madekwana ano. [Murathu Woolman u imba *Kerekenyana Ya Mbili Yanga.*] 

MUENDEDZI TSV62-1014E
(A Guide)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga madekwana a Swondaha, Tshimedzi 14, 1962, Thaberenakejeni ya Branham kha la Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi thalutshedzo ya Tshivenda yo gandiswa huno ya phadhaladzwa nga vha Voice Of God Recordings.

TSHIVENDA

©2009 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org